

# WANTOK

Niuspepa bilong Papua Niugini stret

25 yia nau

40 pes

Namba 1092

Wik i stat long Fonde, Jun 1, 1995

50 toea

**STATE OF ORIGIN SCORE: MAROONS 20 BLUES 12 SERIES : Maroons 2-0**

**● WOKIM MUMU - HAILENS WE.**

Long lephan i go long rait em Helen, Sipi, Maku na Kokoni. Ol i putim na stretim ol kaikai i go insait long mumu long Genoka setelmen long Goroka, Isten Hailens provins. Ol laik wokim namba wan mumu bilong hailans. Lukim stori na moa long pes 16. Foto: SAPE METTA.

## Tambu long ausait bisnis so long B'vil

**VERONICA HATUTASI i raitim**

BOGENVIL Trensisenel Gavman i tambu pinis ol bikpela bisnis wok bilong katim timba, painim pis na maining long kamap long ailan. Tambu ya bai stap long sotpela taim tasol inap ol pipel i kisim gutpela sindaun. Na tu ol save-man bilong BTG i stretim ol toktok we i stap insait long 'Waigani Communique'.

Dispela tambu i karamapim ol ovasis kampani na patna bilong ol insait long kantri.

Namba tu Primia bilong BTG, Thomas Anis i makim maus bilong ol pipel na autim dispela toktok long dispela wik.

Em i tok klia olsem ol wok bisnis i no inap long stat inap long taim gutpela sindaun i kamap long ailan. Na tu ol pipel long ailan i klia gut long ol toktok i stap insait long 'Waigani Communique' o tokorait we i bin kamap namel long Nesanel Gavman na ol mausman bilong BTG long tupela wik i go pinis.

Insait long dispela tokorait, ol i givim amnesti o larim ol rebel paitman bilong BRA i kam aut fri long bus, we lo i no inap holimpasim na kalabusim ol. Dispela em long brukim lo na fomim grup long pait egensim gavman.

Mista Anis i tok sampela kampani long ovasis na long PNG yet i putim pinis askim long BTG long katim diwai na pulim pis long Bogenvil. Tasol em i no givim tokorait yet long ol long mekim bisnis.

## ASKIM BILONG MICAH KOMITI POPAIA

WANPELA sabmisen bilong Siaman bilong Konstitusenel Rivyu Komisin, Ben Micah i go long Dipatmen Bilong Prais Minista long kisim K233,000 long karim aut awenes program i no inap karim kaikai.

Mista Micah long stat bilong las mun (Mei) i bin givim wanpela sabmisen i go long Dipatmen Bilong Prais Minista.

Na askim long Fainens na Plening dipatmen i mas givim K233,000 i go long Opis bilong Infomesen na Komyunikesen long karim aut awenes program long skulim ol pipel long senis bai kamap long provinsal gavman sistem. Dispela em pastaim long Palamen i bung gen long Jun 6 long holim namba tri riting bilong bil

**GODFRIED YASSAFAR i raitim**

bilong senis provinsal gavman sistem insait long kantri.

Tasol aninit long luk-save na hevi we gavman i bungim long nogat mani, dispela sabmisen bilong Konstitusenel Rivyu Komisin siaman, Mista Micah bai no inap karim kaikai. Bikos Dipatmen Bilong Prais Minista i

no tokorait long Fainens na Plening dipatmen long givim dispela K233,000 i go long Opis bilong Infomesen na Komyunikesen.

Long tupela wik i go pinis, Wantok i tokaut olsem Konstitusenel Rivyu Komisin bai yusim K233,000 long karim aut awenes program. Tasol long dispela

wik, Wantok i kisim ripot i kam long Prais Minista dipatmen olsem hevi bilong nogat mani stopim ol long givim dispela mani.

Arapela samting tu, ripot i kam long Dipatmen Bilong Prais Minista i tok, i olsem gavman i no bin basetim mani long kain ol program olsem. Olsem na i nogat mani stap long givim aut long karim aut

dispela awenes program.

Wanpela opisa long Konstitusenel Rivyu Komisin i tokaut olsem Dipatmen Bilong Provinsal Afeas na Viles Sevis i givim K15,000 i go long Komisin. Na i luk olsem sampela arapela gavman dipatmen bai givim fainensal helpim i go tu long Komisin.

Long nau yet, opisa

long Opis bilong Infomesen na Komyunikesen husat i go pas long dispela awenes program, Henry Goro i tokaut olsem dispela awenes program i wok long ron gut.

Mista Goro i tok wok bilong Opis bilong Infomesen na Komyunikesen em long karim aut dispela awenes program. awenes program.

# DELTA


**BIKPELA KEBIN SPEIS**


STRONGPELA TRU NA INOPI LAI NABAUT TRAK...  
DSEPELA TRAK IGAT BIKPELA SPEIS LONG KEBIN  
NA TU IGAT BIKPELA SPEIS ARASAIT BILONG  
KARIM PLANTI KAGO NA OL MANMERI  
NABAUT. DELTA. ISTAP NAU LONG  
ELA MOTORS BRANS KLOS  
TU LONG PLES BILONG YU!

PORT MORESBY 229400 - LAE 422322 - KOKOPO 927983 - MADANG 822188  
GOROKA 721844 - MT HAGEN 521888 - WEWAK 862255 - KAVIENG 942132  
KIMBE 935155 - TABUBIL 589060 - VANIMO 871254 - PORGERA 579367  
ALOTAU - WALTERS WORKSHOP 611174 - ORO MOTORS 297002

**Ela Motors**  
OLGETA HAP LONG  
PAPUA NIUGINI

EM 138

**PLIS RIPOT**

**MOSBI, Nesanel Kapitil**

**Distrik:** Plis i laikim ol pipel husat i stap insait long Mosbi siti long kisim gutpela lukaut. Olsem na bos bilong ol i laikim kefiu o Stet bilong Imejensi i kamap long Mosbi.

Dispela em bihain long 12-pela strongpela o hatko kriminel i ranawe long Bomana haus kalabus long Fonde nait las wik.

Ol lain ya bin wok long stap long kalabus long ol rong ol i mekim long stil wantaim gan, bagarapim meri na kilim dai man. Na taim bilong ol long stap long kalabus i stap namel long 5 na 20 yias. Bos bilong plis long Mosbi siti, Superintenden Joseph Kupo i wari tru nau long sefti bilong ol pipel long Mosbi siti

**MADANG:** Wanpela plis opisa i stap nau long Madang haus sik bihain long wanpela pait long Madang taun.

Ol ripot i tok ol plis yet bin paiarim gan bihain long wanpela plis ka i pondaunim tripela meri long taim ol i wokabaut long rot. Ripot i tok ol manmeri husat ibin stap klostu na lukim dispela birua i sutim tok long ol plis olsem em asua bilong ol tasol na aksiden ya i kamap.

Wanpela meri Fins husat i stap klostu long hap trabel i kamap i tok tripela meri na tupela pikinini ibin wokabaut long rot long apinun taim wanpela plis ka i ron i go na bamim ol. Mekim ol man i belhat na ol i go aut long strit na pait wantaim ol plis.

Tripela pipel ibin kisim bagarap long dispela pait. Tupela em plisman na wanpela em man nating. Ripot i tok meri ya husat i kisim bagarap i wok long kamap orait nau long haus sik.

**HIRITANO HAIWE, Sentrel provins:** Foapela man Moveave insait long Galp provins ibin kisim birua taim ol trabel man i hensapim ol long ka long wiken.

Ol ripot i tok ol trabel man i sutim foapela ya wantaim naip long Hiritano Haiwe long taim ol go bek long ples bilong ol wantaim ol kago samting bilong ol.

# Tupela balus flai nau long Bogenvil

TUPELA liklik balus kampani i statim pinis ron bilong tupela i go long bikples Bogenvil long dispela wik.

Em long Hevi Lift PNG Pty Ltd na Pasifik Helikopta Ltd.

Hevi Lift kampani i bin wokim tes ron long ol ples balus insait long bikples Bogenvil long las wiken Sarere. Na em i amamas tru long gutpela welkam em kisim long ol pipel.

Tupela balus kampani we i save stap long bikples Papua Niugini i kirapim

**VERONICA HATUTASI i raitim**

wok long bikples Bogenvil, bihain long wanpela agrimen wantaim Bogenvil Trensisenel Gavman. Dispela tokorait em long ol i wokim bisnis ron long sot-pela taim tasol.

Tupela balus kampani ron long Buka i go long Arawa, Ori, Buin, Tonu na Torokina. Na bai karim ol kago na pasindia. Tupela i kisim ples bilong narapela balus kampani, Airlink we i pinisim sevis bilong em

long bikples Bogenvil long mun Janueri bilong dispela yia.

Ol ripot i tok sampela rebel paitman i bin sutim balus bilong kampani ya taim balus i laik tekov long Ori ples balus namel long Buin na Kieta. Wanpela man Buin i bin dai long dispela birua.

Siaman bilong Saut wes Interim Atoriti, Nick Peniai i tok em i gutpela long tupela kampani wantaim i

mekim ron long Bogenvil. Bikos tupela bai resis long sevim ol pipel long ailan.

Tasol Mista Peniai i tok em i no laik lukim tupela kampani ya i yusim nogut tokorait long flai i go long ailan, na mekim ol arapela bisnis wok long sait. Long wankain taim tu, BTG i wok long kamapim wanpela kain polisi gaitlain we bai ol pipel long ailan bai kisim helpim, na stap insait long ol wok bisnis na sevis i kamap.

"Olsem hap long pinisim

ol hevi long Bogenvil, ol pipel i mas stap insait long ol wok developmen we i wok long kamap long provins nau.

Na ol i noken stap long sait tasol na lukluk. Ol mas stap insait long ol balus bisnis wantaim ol kampani husat i kam insait nau long Bogenvil," Mista Peniai i tok.

Em i askim nau BTG long go insait long wanpela bisnis wok bung wantaim ol balus kampani husat ron i go nau long Bogenvil.

## Kot givim sans long 4-pela bikhet mangi

**GODFRIED YASSAFAR i raitim**

NAMBA wan taim long wokim raskol pasin na tu pasin bilong stap gut long ples na helpim ol pipel i lukim 4-pela yangpela man bilong ples Aluki long Bukawa, Morobe Provins, i abrusim 4-pela yia kalabus wantaim had leba.

Dispela 4-pela yangpela man bilong ples Aluki husat i abrusim 4-pela yia kalabus wantaim had leba em Nasai Silling, Ken Andy, Putu Nathan na Keith Harold.


Nesanel Kot Jas long Lae, Jastis Hinchliffe i rausim 4-pela yia kalabus wantaim had leba na salim dispela 4-pela yangpela man i go bek long ples bilong ol aninit long probesen. Bikos em i namba wan taim bilong ol long wokim bikhet pasin na kamap long ai bilong kot. Na tu ol i save stap gut long ples na helpim ol pipel.

Nesanel Kot long Lae, long Mei 23, i harim olsem long Disemba 30, 1994, dispela 4-pela yangpela man i hensapim ol pasindia bilong wanpela liklik bot long Bukawa long Morobe Provins. Na stilim K59, wanpela ambrela na tupela aiglas bilong wanpela pasindia nem bilong em Lahu Gaisi. Kot i tok ol i stilim tu samting bilong ol arapela pasindia bilong dispela liklik bot.

Taim Jastis Hinchliffe i wokim disisen, em i tokim dispela 4-pela yangpela man bilong ples Aluki olsem ol i sapos long kisim 4-pela yia kalabus wantaim had leba long bikhet pasin ol i wokim. Tasol em i rausim dispela 4-pela yia kalabus long wanwan bilong ol. Bikos ripot bilong Probesen Opis i soim olsem ol i no save bikhet o wokim ol raskol pasin long ples bilong ol. Na tu em i namba wan taim bilong ol long wokim wanpela raskol o bikhet pasin.

"Yupela bai no inap kisim 4-pela yia kalabus wantaim had leba. Bikos ol pipel long ples i no lukim yupela olsem ol i bikhet lain o ol raskol. Yupela save karim aut wok long ol sios na yut grup. Na tu yupela i save helpim ol lapun na tu ol arapela pipel long ples. Olsem bikhet pasin yupela i wokim i soim olsem yupela i no lain bilong wokim kain ol bikhet pasin olsem," Jastis Hinchliffe i tokim dispela 4-pela yangpela man bilong ples Aluki.

Kot ripot i soim olsem Jastis Hinchliffe i salim 4-pela ya i go long ples aninit long probesen bikos 4-pela ya i gutpela memba bilong komyuniti na ples bilong ol. Na tu ol i bin tokaut olsem ol i gat bikpela belsori long dispela bikhet pasin ol i wokim.



● Tripela studen long Buka ailan. Bihain ol i pinisim skul, ol i amamas tasol na waswas i stap long nambis.

## Skul fi sabsidi sua pinis long Bogenvil

OL skul long Bogenvil i kisim pinis skul sabsidi mani bilong ol long dispela yia. Provinsal Edukesen Seketeri, Tony Tsora long dispela i tok opis bilong em i kisim K586,000 mani. Na dispela em mani bilong 7-pela hai skul long provins. Ol opisa bilong em nau i redim mani long tilim i go long ol wanwan hai skul long provins. Na ol bai tilim long mak bilong ol studen long wanwan hai skul.

Mista Tsora i tok mani ya bai helpim tru sampela skul olsem Tonu hai long Siwai we i salim pinis ol sumatin husat i save slip long skul long go bek long ples. Dispela em bikos skul i sot long mani long lukautim ol sumatin wantaim kaikai. Ol ripot i kam long Buin hai skul i tok skul i sot long mani long mekim ol wok bilong em.

Mista Tsora i tok ol bin laikim moa sabsidi mani bikos mak bilong ol sumatin i go antap taim ol papamama na sumatin i kamaut long ol ples hait long bus. Na ful skul fi we ol papamama ibin peim long stat bilong skul yia i helpim tru ol skul long go hetim ol wok bilong ol.

Olsem na em i tok bai hat long givim rifan lgo bek long ol papamama. Bikos wanpela samting tu em gavman ino givim bikpela sabsidi mani.

Ol komyuniti skul tu long provins i kisim pinis sabsidi mani bilong ol. Tasol opis i bin askim ol hetmasta bilong wan wan skul long bringim ol ripot bilong ol edukesen atoriti long lukim wanem rot ol bin yusim mani bilong las yia bipo long ol i kisim sabsidi mani bilong dispela yia.

Em i tok sabsidi mani ya bai i karamapim K9 long wanwan studen. Na i no K12 olsem ol bin tingting long em pastaim. I gat moa long 21,000 pikinini long ol skul long Bogenvil nau.

Long wankain taim tu, Mista Tsora em i tok Hutjena Hai skul long Buka bai i statim hai skul topap long 1997. Yuropien Yunien bai i helpim long go hetim dispela prosek. Sampela opisa bilong nesanel edukesen dipatmen i mekim lukluk raun pinis lgo long skul long mekim ol wok painimaut wanem ol samting tru skul i laikim bipo long topap i kamap.

Mista Tsora ibin tok tu olsem Yunivesiti stadi senta long Buka klostu i pas bikos long mani i sot bilong mekim ol wok long senta. wankain tu wantaim CODE. Askim nau i go long foapela nesanel memba bilong provins long givim helpim wantaim EDF mani bilong ol, na ol sumatin iken go hetim gut skul gut.

## Ol kalabus tu askim Sir Julius long amnesti

OL KALABUS lain long olgeta hap long kantri nau i laikim gavman long givim ol amnesti.

Dispela i kamap bihain

**PETER KASIA i raitim**

tasol disisen bilong gavman i givim amnesti i go long ol rebel paitman

bilong Bogenvil em long Bogenvil Revoluseneri Ami. Givim amnesti i min olsem kot i inap sasim ol rebel paitman long ol rong ol bin mekim long taim bilong bikpela hevi long Bogenvil i kamap. Ol bai go fri tasol.

Praim Minista Sir Julius Chan i harim pinis singaut bilong ol kalabus lain. Tasol em i no mekim wanpela toktok yet long dispela.

Long ol toktok i kam long sampela atoriti long haus kalabus, ol kalabus lain i tok watpo na gavman bai larim ol BRA paitman i go fri, taim sampela bilong ol i wokim ol bikpela rong tru olsem kilim dai man.

Ol i askim olsem sapos gavman i orait long larim ol lain BRA i go fri, ol (kalabus lain) wankain samting tu i mas kamap long ol.

All departments Phone: 25-2500 Fax: 25-2579

**WANTOK** PO Box 1982 Boroko NCD Papua New Guinea

Published Weekly, Thursdays, for Word Publishing Co Pty Ltd

Printed and published by Anna Sokomon of Bitem Place, Gordons, at Allotment 2, Section 209, Spring Garden Road, Hihola, for Word Publishing Co Pty Ltd

General Manager Ian Fry

Company Secretary Vice-Chairman SVD Group Editor in Chief Anna Sokomon

Editor of Wantok Leo Waiwa

Advertising Manager Peter Kalso

Advertising deadlines

Display bookings Monday midday

Camera ready copy Tuesday midday

Classified advertising Wednesday 2 pm

Regional office: Suite 7 Haus Tsa, Second Street, Lae PO Box 1726 Lae, Morobe Province

District Manager Zeph Anjan

Papers distributed by air throughout PNG. Available by annual subscription within Papua New Guinea and overseas.

Australia & New Zealand Representatives: Tonkin Media Pty Ltd PO Box 101 Avoca Beach NSW 2251 Aust Sydney James Tonkin (043) 85 1746 Melbourne Glen Smith (03) 807 2311

Word Publishing Co Pty Ltd is owned by the four major churches of Papua New Guinea, Catholics, 55%, Lutherans 25%, Anglicans 10% and United Fr... The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at the office of the Times and are set out in full on the reverse side of its official Display Advertising Booking Form

Minista Mai egens Wol Beng long rausim ol risev bisnis wok

GODFRIED YASSAFAR i raitim

MINISTA Bilong Komes na Indastri, David Mai tokaut olsem em i no amamas long Wol Beng i tok olsem minsitri bilong em i ken pinisim dispela sapot progrem bilong ol liklik bisnis insait long tripela yia.

Minista Mai tok tu olsem em i no amamas long Wol Beng i tok olsem dipatmen bilong em i no givim gutpela na inap taim long kamapim ol gutpela rot bihainim dispela sapot progrem long helpim ol liklik Papua Niugini bisnis.

Wol Beng i askim Papua Niugini gavman long rausim ol bisnis wok i stap long lista long opis bilong Invesmen Promosen Atoriti (IPA) we ol Papua Niugini manmeri tasol i gat rait long putim kamap na ranim. Wol Beng askim gavman long rausim ol dispela bisnis wok long lista bihain long Wol Beng i tokorait long askim bilong gavman long givim fainensal helpim. Dispela i bihainim bikpela hevi bilong nogat mani we gavman i bungim.

Bihainim dispela tokorait long givim fainensal helpim, Wol Beng i askim gavman long mekim 27 samting. Wampela bilong ol em long rausim ol bisnis wok we ol pipel bilong Papua Niugini tasol i gat rait long ranim long lisat bilong opis bilong IPA.

Minista Mai egensim tingting bilong Wol Beng na tok klia olsem wok bilong pinisim ol dispela bisnis wok bai no inap pinis insait long tripela yia.

Em i tokaut olsem dispela samting i ken kamap bihain long ministri bilong em i pinisim olgeta sapot progrem bilong ol liklik bisnis insait long kantri. Na tu bihain long gavman i amamas olsem i bin i gat gutpela wokbung namel long ministri bilong em na planti nesenel bisnis insait long kantri.

Semina laik kliaim wok na pawa bilong Ombudsmen Komisen

ELIZABETH LENY i raitim

OMBUDSMEN Komisen i mekim gutpela wok nau long skulim ol pipel bilong kantri long wok bilong em.

Wantaim helpim bilong Friendch Ebert Faundesen (FES), Ombudsmen Komisen bai holim wampela wan de semina long tumora, Fonde Jun 1. Semina bai kamap long Islander Travelodge hotel long Mosbi.

Dispela semina i bihainim tingting olsem planti pipel husat i wok aninit long gavman i no save gut long wok bilong komisen. Ol save bringim komplem i go long komisen, na i laik kisim bekim bilong ol kwik. Na tu i gat luksave olsem ol opisa bilong komisen i no save kisim gutpela wok bung wantaim bikman bilong ol gavman institusen. Long wanem komisen i wok long painim planti wok paul insait long dispeia ol gavman institusen.

Komison i luksave tu olsem taim bikman bilong ol gavman institusen i no mekim wok bilong ol, ol lain husat i wok aninit long dispela ol bikman i save traime long mekim wok bilong ol, Na ol i no save wokim wok gut. Long wanem ol i no save long wok tru bilong ol komisen.

Wol Beng na IMF no inap helpim sapos PNG gavman sakim tok

NESENEL Gavman i kisim pinis mani long go hetim Poreporena Friwe projek long Mosbi siti.

Mani mak ya inap long K27 milien. Na tripela nesenel fainensal o mani institusen long kantri i tokorait pinis long wanwan bilong ol i givim K9 milien.

Tripela em long Motor Vehicle Insurance Trust (MVIT), Nesenel Providen Fan (NPF) na Pablik Opisas Supanuesen Fan (POSF).

Poreporena Friwe projek em i wampela rot we gavman i laik wokim long Mosbi siti namel long Jacksons intanesenel ples balus na Konedobu.

Astingting bilong dispela em long daunim hevi bilong ol paspas long rot, taim ol i yusim tasol 2 Mail Hil rot. Long wanem tude i gat planti ka tumas long siti. Na planti wokman meri, ol bisnislain na ol arapela pipel insait long siti i save leit long go long wok long moning taim.

Gavman bilong Rabbie Namaliu i bin kamap wantaim tingting long wokim dispela friwe long 1990. Tasol taim Wingti gavman i tekova long 1992, ol i stapim projek ya. Wingti gavman i bin kisim Namaliu na ol lain husat i bin gat samting long dispela projek i go long kot. Bikos Wingti gavman ting olsem Namaliu na lain bilong em i wokim sampela samting we i no stret long taim ol i givim dispela kontrak.

Stet bin tromoi bikpela mani tru long

VERONICA HATU-TASI i raitim

baim ol loya long difendim ol long kot we gavman (taim Praisim Minista Wingti i ronim gavman) lain i lus, na Namaliu lain bin win. Planti toktok i bin kamap long dispela projek, na tu kampani we i bin kisim kontrak long wokim dispela projek, Curtain Brothers, i bin winim kot na sasim Stet long baim K14 milien i go long ol.

Nau gen taim Praisim Minista Sir Julius i kamap bos long kantri, em i laikim projek long go het. Na long 1995 baset we Deputi Praisim Minista na Fainens Minista, Chris Haiveta i tokaut long em long mun Mas, em bin makim K25.9 milien aninit long alokesen bilong Trensport long go hetim dispela projek. Dispela em wampela long ol projek namel long ol arapela bikpela rot, bris na bris projek insait long planti hap long kantri, we 1995 baset inap karamapim. Eksampel long sampela ol rot projek em long Togoba-lalibu, Passam-Toanumbu, Kep Rodney-Babaguina, Vanimo-Grin Riva, Alotau-Gurney, Rigo-Kemabolo na ol arapela rot moa.

Bikos nesenel gavman i putim pinis askim long helpim wantaim K500 milien long Wol Beng na Intanesenel Maniteri Fan-(IMF), em bin ting bai em kisim dispela mani long mun Mas long go hetim ol projek ya.

Tasol Wol Beng na

IMF i no givim dispela mani yet. Maski Mista Haiveta na ol lain bilong em i go long Amerika o wanem hap long toktok long mani ya, Wol Beng i holim bek dispela mani inap long PNG gavman i wokim ol dispela samting we em bin tokaut long em long baset bilong dispela yia.

Wampela sinia gavman opisa i tok i gat 27 poin we Wol Beng i laik lukim gavman i kamapim ol senis. Sampela bilong ol em:

• kamapim na bihainim gutpela forestri polisi we bai i lukautim gut wok bilong loging long kantri. Dispela em long kamapim gutpela developmen we long wankain taim bai i noken bagarapim ol bus, graun na wara samting bilong ol pipel; • Senis long ikonmik sekta na wok bilong salim ol gavman institusen i go praivet; na

• Daunim mak long mani we gavman i save spendim bilong sevim kos.

Opisa ya i tok Wol Beng i tokorait pinis long ol rifom na insait long narapela 6-pela wik PNG bai mekim disisen sapos em i ken kisim salens bilong Wol Beng na IMF. Opisa i tok sapos PNG i no kamapim tru ol senis, Wol Beng i no inap givim dispela K500 milien dinau mani long em long helpim ikonmi bilong kantri, we i bungim bikpela hevi long dispela taim.

Long wankain taim tu, opisa ya i tok gavman i no kisim nating dispela K27 milien long MVTF, NPF na POSF.

"Gavman i wokim invesmen long ol institusen insait long kantri yet we em i gutpela moa. Bikos sapos em i dinau mani long ol ausait kampani, em bai lusim mani i go ausait long kantri. Wantaim K27 milien, gavman i kisim olsem sif tem dinau mani we em bai bekim wantaim interes namel long 3 na 5-pela yia. Na dispela tu bai helpim wokman meri long ol kampani insait long PNG, husat em pe bilong ol save go long ol dispela fan.


Gavman i bin askim tripela nesenel fainensal institusen

long givim fainensal helpim bihain long fainensal han long gavman bilong Australia, Ekspot Fainens Invesmen Koporesen (EFIC) i les long givim K28 milien helpim dinau mani long PNG gavman long go hetim friwe prosek bihain long planti ol tok pait i bin kamap long dispela prosek.

I luk olsem long nau taim Wol Beng na IMF i no givimaut yet mani, ol arapela projek long kantri we ibin stap insait long 1995 baset bilong nesenel gavman bai noken go het yet.

ASKIM LOKOL STUA BILONG YU

- Strongpela sop bilong klinim ol samting
• Bilong wasim ol klos, wok bilong haus kuk na tu ol arapela wok na samting



Wampela sop tasol we yu ken yusim long solwara !!

- Gutpela na strongpela na i ken stap longpela taim.
• Isi long yu ken kisim

Distributed by CBChee LAE: 42 1333 HAGEN: 52 1579

Bilong Holsel Seving



# WANTOK

NIUSPEPA BILONG OL PAPUA NIUGINI STRET

## Wokbung nau long stretim kantri


Gavman i mas kam aut na tokaut olsem long ikonomi bilong kantri, na maski long mekim ol samting long hait. Olgeta pipel bilong kantri i save pinis olsem dispela K500 milien i no kam yet long Wol Beng na Intanesenel Moneteri Fan (IMF). Bikos Praim Minista Sir Julius Chan i no laik bihainim sampela askim bilong tupela long we bilong ronim kantri.

Em i gutpela long PM olsem lida bilong kantri long lukim olsem dispela tupela biknem mani bodi long wol i noken ronim kantri. Taim dispela i kamap, dispela i min olsem kantri i bagarap olgeta. Tasol bikpela samting em Sir Julius mas kam aut na tokaut stret long ikonomi bilong kantri.

Bikpela piksa i klia pinis taim ol mani instutisen i givim K27 milien long wokim Poreporena Friwe projek. Gavman i nogat mani bilong karim aut ol wok ya em yet. Mani bilong projek ya long 1995 baset i nogat.

Sir Julius mas save olsem em i tekova long rong taim. Olsem na Oposisen mas luksave long dispela, na wokbung wantaim gavman long bringim kantri i go bek long gutpela rot.

# Mama tingim yet pikinini Moses Keri, husat bin dai long Bogenvil



• Maria Keri sindaun long namel wantaim tupela famili memba bilong em. Foto: Ivan Bayagau

Em askim PNGDF na gavman long baim gut kompensesen long ol yangpela soldia husat lusim laip long ailan

Gavman wantaim i lukluk long dispela ol hevi na mekim samting long ol:

- baim pe bilong yangpela dai soldia inap long 51 yias. Dispela em mak bilong krismas wanwan soldia i ken bungim bihain long ol i ritaia o pinis long wok. Em laikim bai PNGDF na gavman i baim mani ya i go long ol papamama long olgeta potnait.

- Dispela peimen mas stat long taim yangpela daiman i stat long wok inap em indai.

- Givim gutpela sapot long ol soldia husat i stap long ol eria we i gat hevi na trabel. Dispela bai helpim gut ol soldia long taim bilong birua o bagarap.

Praivet Moses Keri i bin wok wantaim 2RPIR Enjiniering Yunit long Moem Bareks long Wewak, Is Sepik provins.

Em i bin joinim ami long 1991 na long Janueri 1994, nem bilong em i stap long lista bilong go long Bogenvil. Na em i go bungim birua long Epril 2.

Moses em i namba tu pikinini bilong mama Maria, husat i bilong Popondeta, na papa i bilong Kavieng. Papa bilong Keri em i wanpela ami opisa wantaim PNGDF long Mosbi.

Moses i bihainim bubu man bilong em John Boino, wanpela long ol namba wan man long kantri long kamap olsem ol ami. Na tu papa na bikpela brata husat i wok wantaim PNGDF long Mosbi.

Maria i tok 4-pela arapela mama long Murray Bareks husat i go long Bogenvil i bin indai tu. Ol dispela mama i bungim wankain hevi olsem Maria, tasol ol i stap isi.

"Ol papamama i wok long stap isi tasol na wetim ami wantaim gavman long stretim kompensesen na i go moa long pes 5

# WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO  
telepon Namba: 25 2500  
Feks Namba: 25 2579

**PE BILONG WANPELA YIA 52 NIUSPEPA**

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00

MIPELA i no inap putim bilong Bogenvil mak long ol man husat i Revoluseneri Ami, ol dai long hevi long Papua Niugini sekyuriti Bogenvil Ailan. Maski fos o ol manmeri na em ol i lain bilong ol pikinini bilong ailan yet, rebel paitman long ailan planti bilong ol lain ya i

## VERONICA HATUTASI i raitim

dai insait long pait long ailan.

Na maski ol i bilong wanem grup, ol meri na pikinini bilong em, papamama na famili i bungim bikpela sori na hevi tru long lusim pikinini o papa. Kompensesen mani i no inap long baim o kisim bek laip bilong ol dispela daiman, meri na pikinini.

Long dispela tasol na mama bilong wanpela yangpela soldia i kam aut strong wantaim tingting bilong em long Wantok niuspapa. Soldia ya i bin indai long Bogenvil long mun Epril long las yia, bihain long ol BRA paitman i sutim em.

Wanem samting mama ya i laikim em long Papua Niugini Difens Fos long baim gut ol papamama long indai bilong ol yangpela pikinini man bilong ol.

Wanpela yia bihain

long indai long feveret pikinini man bilong em, Praivet 811053 Moses Keri long Manetai eria insait long Bogenvil, Maria Keri i stap wantaim sore yet long bel bilong em. Yangpela Keri i gat 21 krismas. Na em i bin indai long mun Epril bilong las yia.

Olsem na long nau yet, em i putim blakpela klos laplap tasol na save stap long soim sore bilong em. Na tu em i no save komim gras bilong em tu. Long eria bilong ol marit difens lain long Mari Bareks long Mosbi, planti pipel long strit i save kolim em, olsem 'Ninja o Ninja Anti Maria'.

Maria i tok em bai lukim yet ol bikman long opis bilong Difens dipatmen inap long ol i baim kompensesen na pensen mani long pikinini bilong em. Em i laikim bai Difens dipatmen na Nesene

**BIAZ** LONG SANDE BIABIA IGO LOTU... TASOL LONG DISPELA DE TARANGU NANI-GOT\* BILONG EM I DAI NA EM IGO PLANIM...

AIYOO! TUPELA LUK WAN-KAIN YA!

TARANGU, EM I DAI PINIS... (SNIFF!)

\*GOAT.

NAU LOTU I PINIS NA PASTA I GO LUKIM BIABIA NA TOKTOK WANTAIM EM...

BIABIA I KIRAP NA TOKIM PASTA LONG WANEM AS TRU EM I BIN KRAL.

YES, BIABIA... MI BIN LUKIM YU KRAL INSAIT, ATING MI BIN MEKIM GUTPELA SEMONI MEKIM YU KRAL! O?

AIYOO! MAUSGRAS BILONG EM I LUK WAN-KAIN TRU YA!

NOGAT!.. SOB! MI BIN LUKIM YU NA MI TINGIM NANI-GOT BILONG MI I BIN DAI LONG MONING... EM I LUK WANKAIN OLSEM YU, NA MI KRAL!



TU MINIT TINGTING

Holi Spirit i givim amamas

LONG stori bilong Pentekos yumi save lus long bikpela raunwin i kamap na i sakim ol samting, na long ol tang paia, na pasin bilong ol aposel i toktok long kain kain tok ples. Yumi save lukim ausait bilong ol i narakain tru. Tasol insait bilong ol i bin senis tu; na yumi no lukim dispela samting. Nogut yumi lus tingting long ol wok em Holi Spirit i bin wokim insait bilong ol tu.

Yumi save tok olsem: i gat 7-pela presen bilong Holi Spirit. Na yumi inap lukim nem bilong ol long Aisaya 12:2. Na long Galesi 5:22 Sen Pol i kolim 12-pela prut-bilong Holi Spirit. Tude yumi laik tingting long wanpela dispela prut, nem bilong em "amamas." Ples bilong painim planti skul na tok long Kristen amamas em i long pas Pol i raitim i go long ol Filipai. Filipai em i pas bilong amamas.


Nau mi laik soim dispela. I gat 10-pela kain amamas i stap long 4-pela sapta bilong pas i go long ol Filipai. Em lain bilong ol hia:

- I gat amamas bilong pre (1:4) "Long olgeta prea mi mekim bilong helpim yupela, mi save

amamas na pre." Pol i tok olsem.

Ol i stori long wanpela nes i bin soim ol sikmanmeri long pasin bilong kisim amamas long prea bilong ol. Ol i no inap rit na rait, olsem na nes i skulim ol long beten wantaim ol pinga bilong ol. Em i tokim ol olsem: "Mi lukim namba wan pinga bilong mi, husat em i klostu tru long mi, na mi beten long helpim ol manmeri i klostu long mi, em ol manmeri mi laikim. Mi lukim namba tu pinga i save poinim ol samting, na mi tingim papamama na ol tisa i bin skulim mi long dispela pinga; ol i bin soim mi planti samting. Namba tri pinga em i longpela, em i antap. Orait, em i skulim mi long pre long helpim ol manmeri i gat nem na namba pawa. Namba foa pinga i gat ring bilong marit long en; olsem na mi tingim ol marit. Namba faiv pinga em i bebi, em i liklik tru em i makim mi; na mi save beten tu bilong helpim mi yet."

- I gat amamas long autim tok bilong Krai (1:18). Sapos yu hepi



FRANK MIHALIC i raitim

tru long relisen bilong yu, yu no inap sarap. Nogat. Yu laik bringim em i go na serim wantaim ol arapela manmeri.

- I gat amamas bilong strongpela bilip (1:25) Trupela Kristen bilip i save mekim pes bilong yumi i lait - olsem pes bilong Moses long taim em i kam daun long Maunten Sainai. Wanpela haiden i bin sutim tok long yumi na em i bin komplem olsem: "Sapos yupela Kristen i amamas bikos Krai i bin

kisim bek yupela, watpo yupela i haitim dispela amamas?"

- I gat amamas bilong sindaun gut wantaim (2:2) Pol i amamas long tingim ol taim em i bin sindaun namel long ol Filipai.

- I gat amamas bilong karim pen long nem bilong Krai (2:17) Pol i hepi long go long Rom nau na kapsaitim blut bilong em. Em i no pret.

- I gat amamas long kisim nius long ol pren (2:28) Yumi no laik stap long we long ol pren na wantok. Yumi laik kisim pas i kam; yumi laik salim pas i go long ol. Wanpela liklik stem bilong pos opis em inap bringim planti amamas i go long ol pren, na i kam long ol pren.

- I gat amamas long welkamim ausaitman i kam insait long haus. (2:29) Pol i laik salim poroman bilong em i go long ol Filipai, na em i laik bai ol i opim dua bilong haus na welkamim em. Em i gutpela Kristen pasin tru. Ating yu bin gat dispela ekperiens - we yu kamap nupela long wanpela ples, na wanpela famili i welkamim yu long haus bilong ol?

- I gat amamas long stap tru wantaim Bikpela (4:1) Stap wantaim bikpela em i min: em i stap nabaut long yumi olsem win i stap nabaut long pisin na wara i stap nabaut long pis.

- I gat amamas long bringim man/meri i kam long Krai (4:1) Pol em i praut na i amamas long ol Kristen Filipai; em i olsem papa bilong ol; em i bin givim laip long ol. Dispela kain amamas i bilong ol tisa na ol papamama.

- I gat amamas long kisim wanpela presen (4:10) Long taim yumi kisim presen, yumi no wari long sais ol pe bilong en. Nogat. Presen i tok olsem: "Mi wari long yu; mi ting long yu; mi laikim yu." Nau Pol i amamas bikos ol Filipai i laik givim sampela presen long em.

Dispela em i wanpela we bilong painim sampela gutpela tingting long dispela tok "amamas" long Nupela Testamen. Goan, yu yet go ritim Filipai nau. Ating bai yu painim moa moa yet. Tok "amamas" em i stap 295 taim long Baibel. Opim "Konkodans" bilong yu.

Ol Sandaun Katolik onarim Santu Maria Ol yangpela greduet long konfemesen trena kos

STAN RANGA i raitim

LONG olgeta yia insait long mun. Me na Oktoba, olgeta Katolik manmeri bilong olgeta hap long graun save beten korona long onarim Santu Maria. Mun bilong mama Maria na em i wanpela tredisen o kastam bilong Katolik sios.

Planti peris insait long Vanimo daiosis, Sandaun provins i ripot olsem ol Katolik manmeri i bin holim prosesi na bringim stetu bilong man Maria i go long wanwan haus. Taim sampela peris, ol Katolik bilip manmeri i putim mama long wanpela hap olsem haus lotu. Na ol i bung wantaim na beten korona wantaim mama Maria.

Long Holi Kros Peris, Vanimo taun progrem bilong onarim Santu Maria i bin kamap wankain tasol. Na i ron gut tru long pinis bilong mun Me.

Faipela komyuniti bilong taun peris i bin holim prosesi na beten korona. Ol i bringim mama Maria i go long wanwan haus. Na stap wanpela o tupela nait wantaim ol dispela famili.

Sampela komyuniti i putim stetu bilong mama long wanpela hap tasol we olgeta famili insait long dispela ples o komyuniti i kam bung wantaim na beten.

Ol peris bilong Pewi, Lido na Baro i bin bihainim tu wankain progrem. Ol Katolik manmeri ol pre lida bilong ol i bin holim beten korona, prais na

wosip, wokim meditesen na singsing bilong Onarim Santu Maria.

Wanpela gutpela samting insait long dispela mun bilong pre na onarim Santu Maria em planti Katolik manmeri husat i bin lus pinis, nau ol i kam bek amamas, singsing na pre long onarim Maria. Ol Katolik manmeri bilong wanwan komyuniti insait long wanwan peris i bin holim bikpela misa bilong pinisim bung na pre bilong onarim long dispela mun bilong em, mun Me.

Narapela mun bilong onarim Santu Maria em long mun Oktoba. Em i wanpela moa sans long bringim ol hevi na wari i go long Lord Jisas, taim mipela ofarim ol long beten korona. Na putim long han bilong mama Maria.



• Ol pikinini long Kindeng Komyuniti skul wantaim tisa bilong ol i bringim sampela kaikai bilong dispela kos. Ol i amamas olsem dispela progrem i bilong ol tu, taim ol i winim 14 krismas.

FOATIN (14) memba bilong Evanjelikel Luteran Sios bilong Papua Niugini (ELC-PNG) i bin greduet

bilong wanpela konfemesen trena kos, em i bin kamap long Hagen distrik.

Kos i bin kamap long Hasino Blok Seket long Epril 17 i go inap long Me 5, 1995.

ELC-PNG i bilip olsem dispela kos bai helpim planti yangpela manmeri, na tu sios bilong ol long kamap gut.

Dispela kos i kam aninit long wanpela progrem ol i kolim long 'Rot i gat Laip'. Em i wanpela nupela progrem we ol bai trenim ol tisa long kamap trena na klas tisa long wanlain taim yet. Opis bilong rot i gat laip aninit long Evanjelikel Sios bilong Papua Niugini i bin ronim dispela kos. Tupela trening opisa

husat i go pas long ronim dispela kos em Lukas Waka na Pasta Matei lbak.

Insait long dispela kos i bin gat 14 memba. Long dispela 14 memba, i gat 11-pela pasta na tripela sios lida. Long dispela trena kos, ol i bin lainim planti nupela we na rot bilong wok tisa. Na tu ol i bin lainim astingting bilong dispela progrem.

Insait long kos ol i painimaut tu olsem 9-pela bai kamap trena na klas tisa tu long sem taim. Na tripela bai tisa na mekim wok wantaim long konfemesen klas.

Ol trena bai kisim ol pikinini long konfemesen klas. Na tu ol bai kamap trena bilong kamapim ol tisa long wanwan kongrigesen.

Wanpela olupela pasta bilong Hagen Distrik, Pasta Uginga Dalee i tok olsem pasin bilong tisim ol pikinini bilong Luteran sios long maus tasol i no stret. Em i tok ol pasta i save lainim ol long ol 10-pela lo, liklik katekisim bilong Matin Luta na tok bilip na stori bilong Jisas na Jenesis long maus tasol. Dispela em i tok i no stret. Long wanem planti pikinini na ol yangpela i no save kisim gut astingting bilong dispela ol samting.

Bihain long dispela konfemesen kos, em i tok dispela progrem bai helpim planti pikinini na yangpela long laip bilong ol. Na tu long kirapim sios na go het long mekim wok bilong em.

Bikde long laip bilong 70 studen


Las Sande Me 28 ibin wanpela bikde bilong ol Gret 4 skul pikinini long Badili komyuniti skul na Don Bosko insait long Nesenei Kapitel Distrik.

Se nti pela sumatin ibin kisim namba wan komunio bilong ol long dispela de insait long wanpela misa lotu long Sen Therese's haus lotu long Badili. Planti pipel i bin stap insait long dispela lotu na ol papamama, susa na hauslain bilong ol pikinini i bin selebretim bikde long ol pikinini bilong ol wantaim kaikai ol i serim wantaim bihain long lotu insait long skul eria.

Badili Peris pris Pater Emilio i bin tokim ol papamama long helpim ol pikinini bilong ol long gro strong insait long gutpela kristen laip.

Ol papamama i bringim ol pikinini long wol na em i wok bilong ol long lukim olsem ol i skulim ol long gutpela rot long sait bilong fisikel, spirituel, sosel na ol arapela sait bilong laip long helpim ol i kamap gutpela pipel insait long komyuniti na kantri.

Em i tokim tu ol papamama long helpim na sapotim wok bilong peris we ol istap long em.



• Trevor i kisim fes komunio long han bilong Badili Peri pris, Pater Emilio.

## Buk makim wokabaut bilong Pop John Paul II kam aut pinis

LEO WAFIWA i raitim

WANPELA buk i kam aut pinis we i gat stori long wokabaut bilong Pop John Paul 2 i kam long Papua Niugini long Janueri 17, 1995. Dispela em long luksave na wokim lotu long Blesed Peter ToRot, namba wan lokol misinari bilong Is Nu Briten long kamap Santu

Buk i kam aut aninit long het tok: "Blessed Peter ToRot .... A Martyr of the Church". Wanpela bung bai kamap long Fonde Jun 1, long makim kam aut bilong dispela buk.

Na i stori long wokabaut bilong pop we i gat ol gutpela kala na blakpela poto.

Dispela em i namba wan taim bilong Katolik Sios i putim kam aut kain buk long kantri we i gat ol kain stori na piksa bilong pop. Katolik Asdaiosis bilong Mosbi i putim aut dispela buk, we Post Printing kampani long Mosbi p prinin gut tru, we yu tng ol i prinin long ovasis.

Buk i gat tu piksa bilong ol bikman bilong katolik sios long kantri.

Fron ba baksait pes bilong buk em wanpela kala poto i soim haus kapa long Sir John Guise stedium long Mosbi, em ol i bin wokim long pop i stap insait na wokim lotu wantaim ol

bisop bilong kantri. Na long fran bilong haus em wanpela man Tolai i pasim retpela laplap na sanap apim piksa bilong Blesed Peter ToRot.

Bipo long ol stori na piksa em hap toktok bilong pop, taim em i kam long kantri. Em i tok olsem: "Dispela em i bikpela bung long amamasim Katolik sios long kantri bilong yupela, na pipel bilong yupela. Laip bilong Blesed Peter ToRot em i bikpela samting, we bai stap wantaim yupela oltaim. Laip bilong em i lait moa, wanpela signel paia i kisim yu i go long ol gutpela aidia we i gat: faith long God, lav bilong famili, servis bilong ol haus klostu, na strong long salens bilong pen na kot."

Bihain em toktok bilong Asbisop bilong Mosbi Asdaiosis Sir Peter Kurongku, na gutpela poto bilong em.

Bihain long dispela em ol welkam toktok bilong Pop yet, Gavana Jenerel Sir Wiwa Korowi long lotu bilong Blesed Peter ToRot. Ol poto i soim wokabaut bilong Pop i go long Rabaul, Jacksons ples balus long Mosbi, Pop i bungim ol bikman olsem Praim Minista Sir Julius Chan na sampela moa.

Long Sande Jun 4 bai ol Katolik haus lotu i stat salim dispela buk. Kos bilong wanpela em K5 tasol.

## Pater Kohller tok BRA tu mas stap long toktok bilong stretim hevi long Bogenvil

VERONICA HATUTASI i raitim

OLPELA Seketeri long Konpres bilong ol Katolik Bisops long Papua Niugini na Solomon Ailans i tokaut long sampela gutpela wok we em i bin lukim kamap long taim em i holim dispela wok insait long 4-pela yia.

Sampela bilong ol dispela wok em:


- Kisim olgeta ejensi bilong Katolik Sios long bung long toktok na lukluk long operesen bilong sios insait long kantri;

- Long sait bilong administresen long CBC, ol bin putim wantaim long namba wan taim ol dokumen we i gat ol rekomendesen na stemen bilong CBC long sait bilong helt, edukesen, sio wok, sait bilong gavman na ol arapela bikpela samting we i karamapim sios, gavman na kantri. Ol dokumen ya i karamapim ol wok stat long 1969 i kam inap long 1992;

- Kisim olgeta nesanel seketeri long ol Katolik Sios ejensi i kam na stap; insait long bung bilong ol Katolik Bisop; na • gutpela wok bung wantaim ol staf bilong CBC.

Wanpela long ol arapela samting we Pater Kohller i tok CBC na sios i gat wok long en em long traim helpim long wok bilong painim gutpela rot long pinisim hevi long Bogenvil.

"CBC i makim Katolik Sios na mipela i gat strongpela bilip olsem long pinisim ol hevi long Bogenvil, olgeta grup husat i stap insait long hevi long ailan i mas stap tu long ol toktok long painim sampela gutpela rot long pinisim ol hevi. Dispela i min olsem ol



• Pater Kohller... mipela i gat strongpela bilip olsem long pinisim ol hevi long Bogenvil.

BRA lida tu i mas stap long ol toktok. Bikos sapos yumi lukluk long ol toktok bilong sampela grup tasol, ol hevi ino inap long pinis." Pater i tok. i go moa long pes 11

**OL NUPELA HALLA  
FOKLIP.  
GUTPELA KWALITI IKEN  
MEKIM GUTPELA WOK.  
GUTPELA PRAIS WE YU  
BAI LAIKIM.  
LUKIM ELA MOTORS  
TUDE LONG SAVE LONG  
PRAIS NA LIKLIK  
INFOMESEN PEPA.**



**Ela Motors**

SAPOS YU LAIK RIN O RAITIM PAS LONG SAVE  
MOA LONG DISPELA FOKLIP  
NORM KEAY BUSINESS DEVELOPMENT MANAGER  
PO BOX 74  
PORT MORESBY PNG

NIUPELA MODOL





Taim nogut...Wanpela meri i sanap na lukluk long level bilong wara long Alton long Amerika. Tait i kamap bikpela bihain long tupela wara Misisipi na Missouri i tait na kapsaitim wara.



Mas long laip...Minista bilong Jastis long Frans i mas wantaim ol mangi we moa long 20,000 pipel i bin mas long mekim mani bilong ol man i gat sik AIDS.



Taim bilong kopi...Wanpela man husat i resis long Frans ileksen i redi long kisim wanpela kap kopi long wantain bilong em. Frans ileksen i pinis nau.

## OL LIKLIK NIUS

### Man kukim opis bilong Mandela

**PRETORIA-SAUT AFRIKA:** Polis i bin tok wanpela man husat i no bin amamas long ol polisi bilong gavman bilong Nelson Mandela bin putim paya long gavman haus bilong em na i bin kukim hap opis bilong em Mista Mandela.

Plis i bin tok tu olsem ol i bin painim wanpela hap pepa we sampela lain i bin raitim bel hevi bilong ol long wei gavman bilong Mandela i wok long wokim wok bilong em.

### Guria kilim 325 pipel

**RASIA:** Bikpela guria i bin kilim pinis 325 pipel long Rusia. Ministri bilong Imejensi sevis long Mosko i tok i luk olsem bai i gat 2,000 bai dai long dispela guria. Long wanem ol i no painim gut yet ol lain husat i stap insait long ol bikpela bilding taim guria i bin kamap.

Ol lain husait i wok long helpim ol manmeri i tok taim ol wok helpim ol ol wok long harim ol narapela i wok long singaut long help. Ol i tok dispela ol lain i no nap stap long taim.

Ol i bai dai namel long wanpela dei tasol sapos ol i no kisim help ariap.

Ol ripota husat i bin go lukim dispela taun i tok taun i luk olsem wanpela trakta i-bin ran antap long em. Planti bilong ol longpela bilding i bin pundaun i go daun long graun.

### Keating lak wokbung wantaim ol Esia kantri

**ESIA:** Praim Minista bilong Australia Paul Keating i laikim Australia long wok bung wantaim ol kantri long saut is esia long developim na baim ol samting olsem ol balus bilong ami.

Bikpela tingting bilong em i stap long Indonesia. Mista Keating i tok dispela i bai helpim tupela kantri wantaim long sait bilong mani na ikonimiks na politikal rilesionsip.

Em i bin tokim Minista bilong Indonesien teknoloji asde.

### Kot bilong Simpson longpela tumas

**NU YOK-AMERIKA:** Kot bilong OJ Simpson we i bin stat las yia long Jun taim OJ i bin kam long kot long painim aut sapos em i bin kilim olpela meri bilong em na boifren bilong meri bilong em i wok long go het yet.

Ripot i tok olsem dispela kot i wok long go longpela taim tumas na ol lain husait i stap skelim kot i les pinis. Na planti bilong ol i lusim pinis dispela kot.

Las wik kot i bin rausim wanpela bilong dispela ol lain. Nau i gat fopela tasol i stap.

### Painim moa tripela dai bodi

**OKLAHOMO SITI-USA:** Sampela ol wokman bilong wanpela kampani i bin painim bodi bilong tripela man asde, husat i bin dai taim ol man nogut i bin bomim wanpela bilding long Epril 19.


Bihain long dispela bom, ol lain husait i wok long painim ol man i dai i no bin go het wantaim wok bilong ol long wanem ol poret olsem hap bilong dispela bilding bai pundaun.

Ol i painim olsem dispela ol tripela em wanpela man na tupela meri.



Samting tru ya...Wanpela memba bilong Nesanel Raifes(gan) Asosiesen i sekim ol Smith na Wesson gan long wanpela konvensen. Dispela em long Amerika.





Pundaun nau...Dispela bikpela haus long Oklahama em ol atoriti i brukim; daun olgeta bihain long ol man nogut i bin pairapim bom we i kilim planti moa pipel. Moa long 2000 manmeri i witesim dispela samting.

Painim nupela sik...Ol wokman bilong Red Cross i putim ol klos we bai banisim ol long nupela sik nogut i wok long kamap nau long Afrika.



Taim bilong amamas...Praim Minista bilong Nu Silan Jim Bolger i kis wantaim kwin bilong ol Moari long Nu Silan bihain long ol i sainim wanpela ari-men.



Straik long wara...Ol planti tausen meri long Nu Deli long Indai i straik na protes long wara bihain long ol atoriti i senisim lo bilong wara na givim moa wara long ol narapela stet.

**YES YAH, OL WANTOK!... BAIM WANTOK NIUSPEPA NA BIHAINIM LAIP BILONG BIRUA MAN LONG OLGETA WAN WAN WIK....**

**PAINIM BIRUA MAN WE? INSAIT LONG WANTOK TASOL...**

**BIRUA MAN**



# Draf Ogenik Lo long Provinsal Gavman na Lokol Level Gavman.

## Ol Kwesten na Ansa

### 1- Provinsal Gavman bai i pinis?

Nogat. Aninit long ol senis, pawa bilong ol provinsal gavman bai i stap yet. Dispela i min tu olsem ol Provinsal Asembli bai i stap.

### 2- Husat tru bai i stap insait long nupela provinsal gavman?

Ol nupela lain bai i kam insait long nupela provinsal gavman na givim sans long ol provinsal na nesanel politisen long bung wantaim long kamapim gutpela wok long tupela level bilong gavman wantaim. Dispela i min tu olsem provinsal gavman bai i gat ol memba i kam long ol grup ya:

- Ol nesanel palamen memba long provins
- Ol lida bilong rurel lokol level gavman. Tripela memba tasol imas kam long wan wan open ilektret.
- Wanpela memba long ol eben atoriti.
- Paramaun sief o wanpela memba i makim lokol eria we ol i bihainim sief tensip sistem.
- Wanpela nominetet memba i makim ol meri.
- Provinsal gavman iken makim tripela man tasol.

### 3-Ol nominetet memba bai igat pawa tu long vout?

Yes. Ol nominetet memba bai i gat pawa long vout insait long Provinsal Asembli na ol bai kaunim i go long kwuorum.

### 4-Husat bai i go pas long Provinsal gavman?

Pipel yet bai i ilektim man husat bai i go pas long Provinsal Gavman. Ol bai kolim em long Gavana na em yet bai i makim ol pipel bilong provins long Nesanel Palamen. Em bai kamap siaman long Provinsal Asembli tu.

Sapos Gavman i kisim wanpela eksekutiv posisen long gavman olsem spika o deputi spika o deputi lida long oposisen, deputi gavana bai i kisim ples bilong em inap ol i makim gen narapela man i kam long ol nesanel palamen memba. Provinsal Asembli bai i makim deputi gavana namel long ol lida bilong ol lokol level gavman.

Sapos ol memba bilong nesanel palamen i holim ol eksekutiv posisen long nesanel level, asembli bai i

makim gavana namel long ol elektet memba long provinsal asembli.

### 5-Bai i gat Provinsal Eksekutiv Kaunsil tu?

Yes. Provinsal Eksekutiv Kaunsil bai i stap yet. Tasol sistem bilong pastaim we ibin gat ol minista bai i pinis. Long kisim ples bilong em bai i gat komiti sistem we bai siaman bai i go pas long Provinsal eksekutiv kaunsil. Gavana bai i kamap siaman long kaunsil na sapos em ino stap, Deputi Gavana bai i kisim ples bilong em.

### 6-Provinsal gavman bai i gat wanem pawa?

Provinsal gavman bai i gat pawa long mekim ol lo na bosim tu wok mani long mekim ol lo bilong provins. Ol wankain pawa we ol provinsal gavman nau i gat bai i stap yet. Tasol bai nogat skruim pawa.

### 7- Wanem sanap bilong ol Lokol Level Gavman?

Ol Lokol Level Gavman bai i kisim luksarve aninit long Mama Lo bilong kantri long namba wan taim. Ol Lokol Level Gavman bai i kamap ol bikpela samting tru na ol bai kisim bikpela hap fanding na ol man save long wok long lukautim gut ol afeas long ol pipel bilong em.

### 8- Husat bai i stap insait long Lokol Level Gavman?

Ol lida bilong ol Lokol Asembli memba we i karamapim ol wan wan memba bilong ol wod, wanpela i makim ol meri na sios.

### 9- Ol nominetet memba bilong Lokol Level Gavman bai i gat pawa long vout tu?

Yes. Ol nominetet memba bai i gat pawa long vout we bai ol i kaunim i go long kwuorum.

### 10-Wanem ol pawa bai ol Lokol Level Gavman i gat?

Pawa bilong ol Lokol Level gavman bai i stap aninit long ol Provinsal Gavman. Ol bai ansa i go long ol Provinsal Gavman. Tu pawa bilong ol bai i stap aninit long ol arapela nesanel lo.

### 11- Ol Lokol Level Gavman bai i gat eksekutiv bodi tu?

Yes. Ol Lokol Level Gavman bai i gat eksekutiv bodi wankain tasol olsem ol memba bilong ol Lokol Level gavman.

### 12- Hau bai ol i ilektim ol eksekutiv bilong ol Lokol Level gavman?

Bai ol bihainim yet rot long wokim ol ileksen inap long ol i riviuwim Ogenik Lo long nNesanel lleksen.

### 13 - Bai i gat saspensen tu long Provinsal na Lokol Level gavman?

Aninit long nupela lo, Nesanel gavman bai ino inap saspensim tupela level gavman ya. Tasol sapos i gat sampela bikpela hevi i kamap olsem gavman i tokaut long imejensi long kantri bikos long bikpela paif nasurel disasta we i kamapim hevi bilong pablik propeti na komyunit laip o sapos wanpela provinsal gavman o lokol level gavman i laik daunim pawa bilong Nesanel Palamen o nesanel yuniti.

Sapos komiti ol i kolim long Nesanel Investigesen Komiti i tok long saspensen i kamap orait, em bai kamap tru. Ol Nesanel Sekyuriti Kaunsil, ol bos bilong ol wan wan dipatmen na bos bilong Fainens Dipatmen i stap insait long dispela komiti.

Sapos Odita jenerel i painaut olsem pasin bilong paulim mani bilong pablik na mis yusim pawa i kamap, Nesanel gavman bai:

- a) dairektim provinsal asembli long bihainim ol nesanel lo na ol polisi
- b) Sapos ol no bihainim dispela oda, orait, Nesanel gavman inap kisim bek sampela pawa na mani long en

c) Pawa bai i go bek long ol bihain long minista husat i bosim ol Provinsal na Lokol Gavman Afeas i kisim riport i kam long Odita Jenerel.

d) Sapos pawa i go bek long ol, Nesanel Eksekutiv Kaunsil bai i putim sampela kondisen long rot bilong yusim dispela mani. Ol bai kisim bek ol riport long dispela samting bihain long tupela yia na

e) Odita Jenerel inap salim man i go long plis, long Ombutsmen Komisen na tru long Pablik Prosekyuta long mekim ol wok painimaut long ol rong we ol i wokim.






# CITY PHARMACY



# 8<sup>TH</sup> BIRTHDAY SALE

**FREE**  
WALLET WITH K20  
PURCHASE



CAMERAS  
**20% OFF**



MADONNA TALC  
WAS K2.40  
NOW **K1.99**



BIGEN HAIR DYE  
WAS K3.90  
NOW **K2.99**


KODAK 135/24 EXP. FILM  
WAS K4.55  
NOW **K3.99**



WILTEGE RAZOR  
(Razor & Blade)  
WAS K1.80  
NOW **99¢**



**1/2** HEALTHTEX  
CLOTHES OF USA  
PRICE



Great Prices... Good Health



N A T I O N W I D E

# PASIN bilong stailim long ia ring bilong tumbuna taim yet

VERONICA HATUTASI i raitim

**P**IPEL long olgeta hap bilong wol i gat ol kain kastam o tumbuna pasin we i karamapim sindaun bilong olgeta de. Dispela em ol kain tumbuna pasin we i karamapim ol pasin olsem bilong mama i karim namba wan pikinini, nupela marit, dai bilong man, ol seremoni long makim ol yangpela i kamap man na meri tru, pasin bilong bilas na ol arapela moa.

Lukluk long kantri bilong mipela yet long Papua Niugini we i gat moa long 700 tokples, na tingim hamas kankain kastam i stap long dispela kantri.

Mipela i lukim pasin long bilas bilong ol waitman. Na planti bilong mipela i ting ah, dispela em samting tru ya.

Tasol taim mipela i go bek na lukluk long sampela samting long pasin kastam bilong mipela, em ol tumbuna bilong mipela long bipo yet tu i gat sampela long ol kastam bilas ya.

Wanpela long ol dispela long sait bilong bilas em pasin bilong wokim hul long ia na putim bilas bilong ia o ia ring.

Long tude, mipela i ken lukim olsem pasin long ol yangpela meri long bilas na putim bilas long ai em i wan-

pela bikpela pasin. Na ol i save tromoi bikpela mani stret long em. I no long wanem samting, ol i laik luk smat.

Orait, kisim dispela piksa long sait bilong ol pipel bilong Siwai long saut wes Bogenvil.

Kain pasin stap tu long Siwai

Pasin bilong hul long

tupela ia i stap bilong mekim hul.

Long bipo, dispela em olsem kastam. Na olgeta mama i save bihainim long sait bilong bilas long ol pikinini meri.

Raupela ring em i no ring nating. Nogat. Ol i katim long drai sel bilong trausel. Long ol taim bipo, ol mama i save katim wantaim hap sap mambu na

i putim long ia. Ol mama i save putim tupela ring ya long tupela ia bilong pikinini. Na olgeta de bai sekim na putim kokonas wel long hap bilong ia we ring i stap long en. Bikos skin bilong bebi i no strong. Na nogut ring ya bai i kaikaim skin hariap na ring bai wokim hul hariap.

Olsem na ring i raunim ia na sindaun gut

moa bilas i hangamap long ring ya. Kina sel ya em dispela ol lain Tolai bilong Is Nu Briten i save yusim olsem selmani bilong ol.

Bebi i no inap pilim pen. Na tu nogat sua bai kamap long ia bilong bebi. Samting i kamap olsem neturel. Nogat pe bilong wokim hul o nogat pe long ol ia ring na bilas bilong em.

Sapos ol mama i laik, ol i ken lainim moa hul long ia, na putim bilas bilong ol.

Mekim na ol lapun mama long Siwai na tu long sampela arapela hap long Bogenvil i gat ol dispela bilas long yia i stap yet.

Planti yangpela no bihainim kastam

Tasol ol yangpela bilong nau i bihainim tumas ol kastam bilong ol waitman na ol i wok long lus tingting long dispela kastam. Wanwan lain tasol i bihainim dispela pasin nau yet.

Bipo long hevi i kamap long Bogenvil, planti waitman na tu ol turis i save laikim tru long kisim piksa bilong ol lapun long ailan wantaim ful bilas. Mi ken tingim eksampel long mama bilong wanpela kasen bilong mi. Mama em wanpela long ol lain we ol turis i save laikim



• Meri Trobrian i bilasim tupela ia bilong em long ol kankain ring.

ia na putim ia ring i bin stap long Siwai long taim bipo bipo tru.


Na rot bilong dispela em taim ol pikinini meri i bebi yet, samting olsem 6-pela mun, ol mama bilong ol i save putim raupela ring long

sapim sel i go raun, olsem sais bilong ol gol o silva slipas iaring bilong ol waitman tude, we planti yangpela meri

nau long tupela ia bilong ol bebi. Orait, kirap nau na ol mama i save putim wanpela kina sel olsem sampela



• Leila Gilchrist i soim ia ring em save putim we ol i katim long drai sel bilong trausel.



• Bilas bilong tumbuna em i kankain. Ol man i no yusim ia tasol, ol save hangamapim kankain samting long nus tu ia.


tru long kisim piksa bilong em. Bikos long ful bilas we em i gat ol ia i lainim long daunbilo bilong ia i go antap olgeta.

Ol waitpela kina sel bilas tu i hangamap long ol ring ya. Long namel bilong tupela ia, na tu long nus em i gat bikpela hul tu we em i suvim wanwan waitpela sel bilong trausel. Mak bilong longpela bilong ol sel ya inap long sais bilongtu pinga.


Taim mama i ful bilas na putim tu selmani raunim nek bilong em, klia long em long taim em i go raun long Arawa taun. Olgeta ai bai go

long em tasoi. Planti waitman i save kisim piksa bilong em bihain long em i yesa long ol. Mi sore long lukim olsem dispela kain bilas bai dai. Bikos ol yangpela bilong tude i no bihainim moa ol kain bilas bilong tumbuna taim.

Maski i gat planti yangpela meri i sindaun long ples i stap nau, ol nogat laik long holim pas dispela tumbuna pasin. Ol i mekim hul long ia yusim ol arapela stail bilong tude. Na putim ia ring bilong ol waitman. Dispela i no bihainim pasin bilong ol tumbuna.




• I gat kankain ia ring bilong tude olsem bilong model Moi.



• 1989 Mis PNG Joyce Leahy i putim ia ring ol i wokim long sel bilong solwara

# Man 'Swit Fins' soim gutpela piksa



• Map i soim fam bilong vida Sonoling.

## GODFRIED YASSAFAR i raitim

LONG Me 8 dispela yia, wanpela toksave i bin kamap long pes 14 bilong PNG Laipstail seksen long Wantok niuspepa.

Dispela toksave i askim ol rida bilong Wantok, na tu ol arapela manmeri long raitim na salim ol laipstail stori i kam. Na mipela i ken prinin stori bilong ol insait long Laipstail seksen bilong pepa.

Taim toksave i kamap, mi ting olsem nogat wanpela man o meri husat i save ritim Wantok bai gat tingting na laik long long raitim na salim ol laipstail stori i kam. Na tu mi bin i gat tingting olsem em bai kisim longpela taim liklik long wanpela rida long ring o salim pas i kam na tokaut olsem em i gat wanpela stori we i gutpela long PNG Laipstail seksen. Mi bin i gat kain tingting olsem bikos mi luksave olsem nogat wanpela man o meri bai gat taim long raitim stori. Na salim i kam long mipela i ken yusim.

Tasol mi bin kirap nogut taim wanpela man long Morobe provins i ringim mi na tok olsem em i lukim dispela toksave.

Man ya i tokim mi olsem na mi tokim em long stori long mi long stori bilong em. Na mi ken skelim sapos stori bilong em i gutpela long yusim insait long laipstail seksen. Em i stori go pinis na mi tokim em olsem stori bilong em i gutpela. Olsem na mi bai amamas sapos em i ken raitim na salim i kam long mi. Askim bilong mi karim kaikai taim em i tokorait long raitim na salim i kam.

Hia em stori bilong dispela man Morobe. Stori bilong em i toktok long pasin bilong helpim yu yet wantam famili bilong yu.

Vida Sonoling i bilong ples Gaeng long Pindiu sab distrik long Finsafen long Morobe Provins. Finsafen em tude ol yangpela save kolim 'Swit Fins'. Man ya i marit na i gat 5-pela pikinini-tripela pikinini meri na tupela pikinini man.

Mista Sonoling long nau yet i holim wok olsem provinsal forest kodineta wantaim Dipatmen Bilong



• Haus long fam bilong sekim ol sipsip.



Morobe.

Bihain long em i kisim tripela yia kos long forestri na pinisim skul bilong em long Yunivesiti Bilong Teknoloji long Lae long 1978, em i go wok wantaim wanpela kampani ol i kolim Papua Niugini Fores Prodak (PNGFP). Em i wok wantaim PNGFP long tupela yia tasol

(1979-1980). Long 1981 em i lusim PNGFP na go long Bulolo na holim wok olsem Distrik Fores Opisa. Em i wok i stap long Bulolo stat long 1981 i go inap long 1987.

Long 1987 em i lusim Bulolo na go antap long Goroka. Na wok long Goroka i go inap long 1990. Long Goroka Mista Sonoling i

"Tasol planti bilong ol i save ting mi yet mi gat wok long taun. Na mi no inap long helpim ol. Olsem na mi salim ol i go bek long ples. Tasol mi tokim ol stret olsem i gat wok i stap long asples. Na wanpela man o meri ken lukim pes bilong mani sapos em i dikim graun bilong em,"

holim wok olsem Asisten Seketeri bilong Forestri divisen long Dipatmen Bilong Isten Hailans.

Taim Mista Sonoling i wok i stap long Goroka, planti lain bilong em husat i pinisim gred 6 na 10 i save go na askim em long givim ol wok. Tasol em i save tokim ol long go bek long ples. Na wok long graun bilong ol. Long wanem i wok i pulap na stap long ples.

"Tasol planti bilong ol i save ting mi yet mi gat wok long taun. Na mi no inap long helpim ol. Olsem na mi salim ol i go bek long ples. Tasol mi tokim ol stret olsem i gat wok i stap long asples. Na wanpela man o meri ken lukim pes bilong mani sapos em i dikim graun bilong em," Mista Sonoling i tokim Wantok.

Liklik lain tasol i kisim skul toktok bilong em na go bek long ples. Planti no harim skul toktok bilong em. Na ol i raun nating i stap long taun. Ol i westim gutpela taim nating long taun na abrusim planti krismas.

Long soim gutpela piksa long lain bilong em, em i lusim wok long 1990. Na em wantaim famili bilong em i go stret long ples bilong em Gaeng long swit Finsafen. Taim

famili projek. Em i makim graun na brukim i go i kam long wanwan seksen. Na em wantaim famili bilong em i planim ol kumu, kaikai na lukautim ol abus animol olsem kakaruk, pik na sipsip.

Insait long dispela tripela yia, em i save kisim ol kaikai long famili projek i go salim long maket na i save kisim gutpela mani. Long wanpela de em i save kisim winmani namel long K50 na K100. Na insait long wanpela wik, dispela famili projek i save kamapim K250 winmani. Dispela em potnait pe sampela wokmanmeri long taun i save kisim long tupela wik (potnait).

I kam inap long nau yet, dispela famili projek Mista Sonoling i kirapim i kamap bikpela pinis. Na em i kisim sampela yangpela manmeri long wok insait long projek bilong em.

Em i tokaut long nau yet, em i gat tingting long wokim sampela samting long trenim ol yangpela manmeri long kisim moa save long wok long graun bilong ol yet. Tasol bikpela hevi olsem em i no kisim helpim i kam long ol beng na tu long gavman.

## Astingting na mining bilong dispela projek i olsem wanpela famili yunit-papa, mama, ol pikinini na ol arapela lain insait long famili mas i gat gaden kaikai, ol kumu, abus na tu ol arapela samting i stap klostu long banis bilong haus na ples.

em i go kamap long ples, dispela man Finsafen ya i no westim taim long sindaun na toktok i stap. Nogat. Em makim graun bilong em long kirapim wanpela famili projek. Dispela projek em i kolim olsem Family Self Help Projek.

Astingting na mining bilong dispela projek i olsem wanpela famili yunit-papa, mama, ol pikinini na ol arapela lain insait long famili mas i gat gaden kaikai, ol kumu, abus na tu ol arapela samting i stap klostu long banis bilong haus na ples.

Yangpela didiman aninit long Luteran Developmen Sevis i bin kamapim dispela tingting.

Long tripela krismas, wantok ya bilong swit Fins i stap long ples na karim aut ol wok bilong dispela

Bikpela astingting tru na Vida Sonoling i lusim wok long na i go long ples bikos em i laik soim ol lain bilong em long ples olsem mani ol wokmanmeri long taun i kisim i stap tu long ples. Mani no stap tasol long taun o long poket bilong ol wokmanmeri tasol.

Em i luksave olsem sapos em i toktok na tokim ol lain bilong em long go bek long ples na wok long graun bilong ol, ol bai no inap luksave long mining na astingting bilong toktok bilong em. Olsem na em i mas lusim wok na go long ples. Na kirapim wok long graun bilong em na soim ol lain bilong em olsem graun bilong ol i ken kamapim mani.



# Wokim mumu long hailans we

## SAPE METTA i raitim

TOKTOK long wokim o kukim kaikai long mumu bai i luk olsem isi na swit long maus, tasol long wokim mumu, i gat plan-ti hatwok bilong em i stap.

Na long ol hailans rijon, mumu em i wan-pela kain bikpela kaikai we o stail wanwan famili, ples o hauslain i save wokim p'anti taim insait long wanwan yia.

Na tu i gat kankain pasin o stail long wanwan provins insait long kantri i save wokim o kukim mumu bilong ol.

Long Isten Hailens provins, wanpela famili yet i ken kukim tu o tripela mumu insait long tupela wik na 4 o 5 pela mumu long wanpela mun.

Na long taim bilong hevi olsem manmeri o pikinini i dai, em long dispela taim ol wantok bilong daiman o meri bai bung wantaim na i ken kukim tri o foapela bikpela mumu long kaikai na sindaun sore wantaim. Bihain long planim bodi long mat-



• Lucy Sese na Maku i katim ol kakaruk bilong tromoi i go insait long mumu wantaim ol arapela gaden kaikai na kumu.

pas long ol dispela bikpela amamas pati.

Mumu em i wanpela samting we bai ken soim ol arapela manmeri olsem tru tumas i gat bikpela kaikai ol lain

Henganofi, ol i save kukim mumu bilong ol long narapela kain stail. I go olsem long Okapa, Lufa, Unggai na Bena Bena, ol save kukim mumu long wankain we. Tasol i gat sampela senis na stail bilong ol yet.

Orait i kam bek long ol bikples wantaim tokples Gahuku klostu na arere long Goroka taun, stail bilong ol long mumu bai senis o narakain liklik. I go moa long Asaro Veli na Watabung, klostu bai luk olsem stail bilong Gahuku tasol yet bai stap wantaim sampela liklik senis.

I go moa long ol arapela hailans provins wantaim Momase na Sauten rijon, i gat stail bilong ol yet long kukim mumu.

Wok bilong kukim mumu i go olsem:

Namba wan taim ol bai digim graun na wokim hul. Bihain bai ol painim na bungim ol ston na paiawut. Em nau stat laitim paia na bungim ol ston aninit na antap long paia long dispela hul. Taim paia i kukim ol ston i stap, olgeta wanwan manmeri bai stat long rausim skin bilong ol kaikai olsem kaukau, taro, tapiok, banana, kon na kumu. Sampela bai kilim na rausim gras bilong pik na kakaruk na katim, na tu of frisa kakaruk, mit na lem fleps ol bai katim

katim na redim long kukim long mumu.

Orait taim olgeta kaikai i redi, sampela

lain bai go painim na bringim gras na banana lip i kam. Em nau bihain long tu o tripela aua, ston long paia bai kamap hot gut tru. Nau ol man yet bai rausim ol pipia paia antap long ston na stat long stretim ol gras na banana lip antap long ston.

Taim ol gras na lip i go sindaun gut, em nau ol kaikai bai go insait. I go pinis, kumu bai go antap long ol kaikai bihainim dispela ol kakaruk, pik, lem fleps, na mit.

Sampela taim mit bilong dok tu bai go antap na karamapim gut tru ol kumu we sapos i stat long kuk, gris bai trip i go daun na mekim gutpela swit sup long ol kaikai.

Taim olgeta kaikai na kumu na mit i go pinis orait, ol bai stat long karamapim gut ol kaikai, kumu na mit ya wantaim ol lip banana. Orait antap long het bilong mumu, ol bai mekim wanpela hul we bai isi long kapsaitim kolwara i

go insait na wasim ol ston long kamapim hotela smuk (steam) long kukim ol kaikai na mit gut. Na sem taim smuk no ken kam aut long mumu.

Orait bihain long kapsaitim kolwara i go insait pinis long mumu, ol bai karamapim wantaim graun. Na ol i mas karamapim gut tru. Bikos sapos ol smuk i kam aut long sampela hap, mumu no inap tang gut.

Bihain long olgeta wok bilong mumu i pinis, olgeta lain bai sindaun na wet long tu o tripela aua. Em nau bihain long tu o tripela aua, rausim karamap bilong mumu na olgeta kaikai. Kumu na mit bai tang gut tru na lap long yu i stap.

Rausim kaikai, skelim gut pinis orait taim bilong pulimapim bel. Tasol em i no pinis long hia. Bikos bihain long yu pulimapim bel, givim sikti i go long toilet na rausim wantaim olgeta win na strong bilong bodi

## Baha'i Faith

### 40 Yia long PNG

"Mi bin wok long taun i stap na harim olsem sampela yangpela manmeri na bikman long ples bilong mi i joinim Baha'i Faith. Long namba wan taim mi no bin amamas long dispela lotu i go insait long ples bilong mi, na neks taim mi go long ples, mi askim na painimaut long lotu ya. I no longtaim na mi painimaut ol trupela toktok bilong Baha'i Faith. Tasol mi no joinim stret Baha'i. Mi ritim planti samting long dispela lotu. Na tu mi askim planti kwesten na painimaut long dispela lotu long sampela yia pastaim. Mekim i go na mi no inap wet longpela taim moa, na mi kamap wanpela Baha'i."

"Mi pilim strongpela spiritual pawa long dispela Faith. Na, em i gat trupela mining stret. I nogat samting long dispela lotu we mi ken tok egens long em. Mi lukim olsem Baha'i Faith i gat ol gutnius we i ansarim stret ol bikpela hevi insait long wol na Papua Niugini tude."

"Ol toktok bilong Baha'i i tok: "Yupela em olgeta solwara bilong si, na ol lip bilong wanpela diwai." Na planti moa samting long ol manmeri bilong graun em ol wanpela tasol. Long olgeta hevi mi lukim long wol tude, em long wok bung wantaim."



JOHNATHON BERI,  
East Sepik Province

Mipela i no save wok bung wantaim. Mipela save lukluk yet long ol arapela grup wantaim belhevi o jeles pasin long ol. Mi ting i gat bikpela wok long bungim wantaim kankain grup na ol kantri bilong wol.

"Sampela yia i go pinis mi go bek long ples bilong mi. Na mi stap gut wantaim meri bilong mi, husat i kamap wanpela Baha'i tu. Olgeta pipel i joinim Baha'i Faith i pilim olsem ol i kisim nupela blesing. Mipela olgeta i traim hat long mekim dispela kantri na wol i kamap gutpela ples bilong stap amamas."

Oneness of God • Oneness of Man • Oneness of Religion



• Lucy Sese i rausim skin bilong kaukau long kukim insait long mumu.

mat, em nau narapela 6 o 7-pela bikpela mumu ol wantok na wanwan famili yet i ken kukim. Na ol bai bungim wantaim na kaikai long pinisim wari na sore bilong ol.

Taim bilong amamas tu olsem bilong baim meri, betde pati, pis seremoni, het pe, opim haus lotu na bihain long kompensesen sere- moni, mumu em i wanpela samting we bai go

bilong sore o amamas i kukim.

Ol man na meri i ken itap longwe yet na taim ol i lukim bikpela smuk i kamap long banis bilong wanpela famili o namel long wanpela hauslain o viles, ol i ken save gut olsem em i smuk bilong kukim ston na wokim mumu.

Long Isten hailens yet long hapsait bilong Yonki, Kainantu na











# Big Bro **REBO**



NEGISO?! LUK OLSEM EM NUPELA PLES BILONG BIA, YAH!

EM NALI! PORO BILONG MI I ONIM PLES YAH! YUMI GO!



EM NALI! EM PLES YAH TASOL!



HEY, REBO! COME INSAT!

IFI! MAN, LONG TAIM NO, SI!



YEAH! LONG TAIM TRU, YAH! YU KAM RAUN AH?

EM NALI! MI KAM PAINIM BIA YU, SAVE!



NO WARIS, BRO! GO LONG KAUNTA NA KISIM 2-PELA FRI KATEN BIA!

HOI! MI KAM LONG BAIM BIA, INO LONG KISIM FRI!

STAP ISI! EM SAUT BILONG MI! MI BOSS!

KUMUL



TENKS, BRO! LUKIM YU BIAN!

NO WARIS!



# Spak **MATIK**



AIYOOO! NALI BAI MI DAI STRET!



LONG NAIT MAIK INO SILIP GUT...

UH... AHH... PLIS...

ZZ ZZ



EM DRIMAN...

WA-?!



EM DRIMAN OLSEM BOTOL BIA RAUNIMEM...

SANAP! MI LAIKIM YU, WET!!

AAAH!!



AIYO! NA-RAPELAI KAM! AAA AHH!!




NALI OLGETA BOTOL BIA I KONARIM EM...



# BARGAIN BONANZA


## TIMBER – Dar Treated

### ALL – 20% Discounted



**NAILS BRIGHT  
FLAT & JOLTHEAD**

	Lae/POM	HGN
500gm	1.00	1.10
25 kg	K37.50	K39.75




**MATTRESS**  
with **FREE** pillow

Double	4"	—	K55.00
Single	4"	—	K34.00
Single	3"	—	K27.50


**TOILET SUITE**  
CAROMA  
CONCORDE

**K69<sup>95</sup>**




**COFFEE MACHINE**  
KOPI KING  
**K285<sup>00</sup>**

**CHEF CONSUL**



GAS STOVE

**K650<sup>00</sup>**



**TARPS**

6 x 8	K3.50
10 x 12	K5.75
16 x 12	K8.95

*Plus more sizes*


**WOODSTOVE**



**K375<sup>00</sup>**

**HANDSAW**

Stanley  
Eagle



24 inch

**K8<sup>50</sup>**

**TOTAL HARDWARE TOTAL HARDWARE TOTAL HARDWARE**

**LAE**  
Milfordhaven Road  
P.O. Box 675  
Ph: 42 1065 Fax: 42 2062

**PORT MORESBY**  
Klinki Street, Boroko  
P.O. Box 3655  
Ph: 25 3988 Fax: 25 2621

**MT. HAGEN**  
Wonye Road  
P.O. Box 1  
Ph: 52 2285 Fax: 52 2140





# Sevim laip bilong ol pikinini-Skaut na UNICEF

SKAUT Asosiesen bilong Papua Niugini na Yunaited Nesen Intanesenel Edukesen Fan Bilong ol Pikinini (UNICEF) i wokbung wantaim nau long promotim na stretim helt bilong ol pikinini.

Wanpela bikpela rot we Skaut Asosiesen i wok long lukluk na mekim wok nau em long sevim laip bilong ol pikinini aninit long wanpela progrem ol i kolim Orel Rihaidresen Terapi (Oral Rehydration Therapy-ORT).

Ol piksa stori long dispela pes i soim na tok kliia long ol rot pikinini ken kisim sik pekpek wara. Na ol rot bilong stopim dispela sik.

Givim planti klin wara long husait pikinini i kisim sik pekpekwaru. Em i gutpela we long stopim dispela sik..




Usim kap na spun long givim klin wara long liklik bebi

Wankain olsem palawa, taim yu putim wara, palawa i sanap strong na gro gut. Pikinini mas dringim planti wara na kamap gut...



Pikinini husat i kisim pekpek wara mas dringim planti wara klostu klostu.....

Ol gutpela kainkain dring yu ken givim long pikinini long stopim pekpek wara em ol.....




Wara-raes, malmahum kaukau o banana, kulau, o wara bilong ol prut...

Harim, kisim pikinini hariap i go long helt woka taim em i pekpek wara na sapos.....



- Sikin bilong pikinini i drai tumas.
- Pikinini em i no nap dring.
- Pikinini em i traut tumas.
- Sapos pekpek wara i no pinis inap long tupela de olgeta.

Tingim, long abrusim pekpek wara yumi olgeta mas.....



Yusim gutpela haus pekpek, na wasim han behain long pekpek..

Dringim klinpela wara tasol.....



Bolim wara na bihain larim i stap i kol pastaim, bifo long yusim.....

Wasim han pastaim bifo long rediim kaikai na taim bilong kaikai.....




Karamapim kaikai ol taim long rausim ol lang.....

Lukautim ples, na mekim ples i klin....








Kukim o karamapim ol rabis.....

Putim ol animol long banis, na rausim  
ol dok we ino gat papa....



Noken yusim botol long givim susu long  
bebi o pikinini. Em i nogut trut.



Givim stret susu bilong mama long  
bebi, em i nambawan tru, inap bebi i  
kamap tupela krismas olgeta.....

## 1995 POSTER COMPETITION FOR PRIMARY & SECONDARY SCHOOLS IN THE PACIFIC STATES

**THEME: OUR CULTURE, OUR HERITAGE**

### ELIGIBILITY:

The competition is open to all students attending Primary and Secondary Schools in 1995 throughout the Pacific Member States of UNESCO and SPC countries. Students must be in the ages of 8 to 17.

### DIVISION FOR ENTRY:

Division One	Ages 8 to 10
Division Two	Ages 11 to 13
Division Three	Ages 14 to 16
Division Four	Ages 17 above

### POSTER MEASUREMENT:

- Minimum A4 - Max. 45 cm x 55 cm
- Medium: Artists are given the choice to use any medium
  - Use of local material is encouraged.
  - Entry must be the artist's own choice.

### GENERAL:

- Label entry clearly with artist's name, age and division at the back of the poster.
- Send all entries to: PETER. M. WALIAWI, NATIONAL CULTURAL COMMISSION, P O Box 7144, BOROKO
- Prizes will be awarded to the first three places in each division at the national level.
- After the national judging, up to five entries from each division will be sent to the coordinator in Western Samoa for judging at the international level. Prizes will be awarded to the first three places in each division. This may take place at the Festival of Arts in Apia in September 1996.
- The judges decision will be final at each level, national and international.
- All entries will become the property of Vaka Moana.

For more information contact on telephone 27 23 91  
27 11 91

## 1995 ESSAY COMPETITION FOR PRIMARY AND SECONDARY SCHOOLS IN THE PACIFIC STATES

**THEME:  
TRADITIONAL FISHING OR AGRICULTURE IN THE PACIFIC**

### ELIGIBILITY:

The competition is open to all students attending Primary and Secondary Schools in 1995 throughout the Pacific Member States of UNESCO and SPC countries. Students must be in the ages 8 to 17.

### DIVISIONS FOR ENTRY:

Entries will be judged according to the following age division:

Division One	Ages 8 to 10
Division Two	Ages 11 to 13
Division Three	Ages 14 to 16
Division Four	Ages 17 and above

### ESSAY REQUIREMENTS:

- Essay must be the writer's own work.
- Length of essay can be between 200 words and 1500 words or no more than three (3) pages of writing.
- Please note that writers are not required to write three pages. Writers may write as much as from half a page up to three pages.
- Language of expression can be either English or French.

### GENERAL:

- Label entry clearly with the writer's name, age and division.
- Send all entries to: PETER. M. WALIAWI, NATIONAL CULTURAL COMMISSION, P O Box 7144, BOROKO
- Prizes will be awarded to the first three places in each division at the national level.
- After judging at the national level, up to five from each division will be sent to the coordinator in Western Samoa for judging at the international level. Prizes will be awarded to the first three places in each division. This may take place at the Festival of Arts in Apia, September 1996.
- The judges decision will be final at each level, national and international.
- All entries will become the property of Vaka Moana.

For more information contact on telephone 27 2391  
or 27 1191.

# BUK BILONG OL SEVISIS

## ELECTRONIC

**PAPA BILONG OL TV SAPOS TV BILONG YUPELA I BAGARAP SEKIM WANTAIM MIPELA**

O KAM NA LUKIM MIPELA LONG OLGETA LEKTRIK SAMTING YU LAIKIM.

- SPARE PARTS ■ TOOLS ■ EQUIPMENT
- REPAIRS TO T.V.'s, RADIOS, ETC.



**P.O. BOX 3572 BOROKO, N.C.D. PHONE: 25 1952 FAX: 25 4743**

## HAIR & BEAUTY

### TREND'S

We wholesale retail large range of black hair & beauty products. We also sell hair pieces, hair equipment.

Ground Floor  
Land Mark Building  
Reke St Boroko  
Phone/Fax: 255894  
PO Box 3239 Boroko

## PLUMBING & MAINTENANCE

### CLEARWATER PLUMBING LTD.

CONTRACTORS & MAINTENANCE SERVICES  
FOR ALL YOUR PLUMBING NEEDS

CONTACT:-  
PH; 25 8492  
FAX/PH: 323 3472

QUALITY SERVICE AT REASONABLE RATES

## SIGN WRITING

**PUNSIU SIGNWORKS**  
Signs on cars, trucks, buses, billboards, notice boards.  
Phone: 45 7813

## REFRIGERATION & AIRCONDITIONING

### FOR FAST GOOD QUALITY SERVICE

Call Bata's refrigeration, airconditioning & appliance service on Telephone:  
**25 8074** or Fax: **25 8588**

## TIMBER SALES

### TRANSWORLD TRADING (PNG) PTY LTD

The Blue Truck Timber Company  
Dia Kastoma,

Mipela i redi long wokim whole-haus baim bilong yu.  
Dispela i min olsem mipela bai bringim ol timba, post, nil, ain na ol arapela samting bilong sanapim haus.  
Insait long Mosbi yet, mipela no inap sasim kos bilong ka. Ol ples autsait long Mosbi, kos i no dia.  
Na sistem i wok olsem: Yu baim. Na bai mipela kisim olgeta samting long haus bilong yu kam.  
Ringim mipela long telipon na feks namba **25 5314** (Erima Timber Yard)

## SECONDHAND CLOTHING

### TOP GRADE PAYLESS

New bales just arrived. Why pay more when you can PAYLESS @ payless. Special on Brown Bales from K3 per kg (160 kgs to 200 kgs).  
Household, shoes & toys also available, limited stock. 50 kgs mixed bale @ K165. Only with Lucky Draw Phone 25 1477 Fax: 23 2895  
Location: Opp. Hintano Electrical next to Gaby Fashion Varahe St., Gordons

**Yu ken edvetais hia long K10 tasol long wanpela wik. Long painimaut moa long dispela, ringim Augustine, Jack or Joe long telipon namba 25 2500.**



## PABLIK EDVETISMEN

Me 29, 1995.

### SKATE: "MIPELA GO NAU LONG BUNGIM STRET BIKPELA TRABEL, SAPOS OL SAMTING I NO SENIS"

Wok bilong Oposisen em long poinim aut ol asua bilong gavman, na makim ol stretpela rot em gavman i ken bihainim long ronim gut kantri. Dispela Oposisen i bin toktok planti long hevi bilong mani em kantri i bungim nau. Bikpela salens i go antap moa long Gavman long mekim senis, bikos Chan i no mekim gut wok na toktok planti tumas. Olsem mi bin toktok long planti mun nau, bekim bilong Chan long ol toktok bilong Oposisen em long toktok na so op, na i no long traim karim aut sampela aidia bilong Oposisen. Taim mi askim Gavman long tokim mipela trupela sindaun bilong kantri long bisnis wok, pablik i kisim toksave olsem Wol Beng na Intanesenel Moneteri Fan (IMF) bai helpim PNG. Chan na Haiveta i tenkim ol bikman husat i makim kantri na toktok wantaim Wol Beng na IMF long gutpela wok ol i mekim!!!

Fainens Minista i tokim mipela olsem 1995 Baset bilong Gavman i lukluk long ol senis o rifom em Wol Beng i askim mipela long karimaut. Tasol taim wampela leta bilong wol beng i go aut long pablik, wampela aipas man tu save olsem dispela i no tru. Mi no mekim wampela gutpela wok long tokim ol pipel bilong dispela kantri long wanem samting tupela 'stail masta' bilong mipela i wok long pasim maus, na i no laik autim long ol pipel. Na wanem samting tru tupela i laik mekim. Tupela i givim mipela planti toktok, tasol i nogat ol trupela toktok. Na tu tupela i no mekim planti gutpela samting.

Tingim toktok bilong Fainens Minista. Ol dispela nupela plen bai givim hevi long gavman, na i no long wanwan famili insait long kantri.

Hevi em nogat wampela man i ken ol hevi em gavman i bungim. Tasol mipela i ken lukim strong bilong Kina i go daun na givim hat taim nau long ol pipel. Prais bilong ol samting i go daun pinis, wantaim bilong ol arapela kaikai na klos laplap. MIPELA I KAMAP KLOSTU NAU LONG HAP WE BILONG DISPELA YIA, WANEM SAMTING TRU I KAMAP ANINIT LONG 1995 BASET???

Em i sore tru long lukim olsem dispela Gavman i kisim trangu Minista bilong Stet, Hon Arnold Marsipal long toktok egens Masket Iangalio long kisim ol ripot long ovasis. Masket i mekim gutpela wok stret. Dispela em long mekim mipela i save long wanem samting ol ausait kantri i save long mipela. Bikpela as bilong ol pipel bilong kantri i laik kisim moa infomesen long ovasis i soim olsem Gavman bilong mipela i haitim infomesen long mipela, ol pipel bilong em!!!

Lukluk long ol ripot long Australian Financial Review niuspepa, mipela lainim olgeta PNG gavman i nogat gutpela wokbung wantaim Wol Beng na IMF. Narapela de tasol, Arnold

Marsipal i tokim mipela olsem Deputi Praim Minista i stap long Taiwan long wampela 'praivet limlimbur'. Tasol dispela em i wampela limlimbur em Praim Minista i tokim em long kisim. Mipela i no save long Embasi bilong Saina long kantri bai tingting wanem nau long dispela lukluk raun bilong Deputi Praim Minista.

Australian Financial Review i kam yet stret wantaim askim, Mista Haiveta i go mekim wanem long Taiwan? Em i laik kisim dinau mani long Taiwan bikos PNG i luksave long Taiwan o olsem wanem. Sapos em i laik kisim dinau mani, ating em i wampela las minit wok bilong kisim fani mani, na bai i no inap bungim disiplin bilong beng menesa. Dispela em i wampela gutpela askim Australian Financial Review niuspepa i givim, we ol niuspepa bilong mipela i no luksave. Na Chan i mas tingting planti nau.

Narapela tupela samting Australian Financial Review ting Chan i lukluk long em en:

1) Gavman laik salim ol maining samting bilong kantri. Sapos dispela em i plen Gavman i laik traim bihainim, ating olgeta manmeri na pikinini long Papua Niugini i mas bung wantaim. Na stapim ol long traim salim ol samting bilong mipela.

2) Larim ol timba kampani i katim daun moa timba long laik bilong ol. Dispela bai bringim moa mani i kam insait long kantri.

Rit namel long ol lain na bai yu ritim wampela vot i no gat bilip long Beng, long lidasip bilong Sir Julius Chan olsem Praim Minista. Tupela bikpela samting we i mekim ol beng na mi wari em, Praim Minista na Deputi bilong em i no tokim mipela ful stori. I nogat wampela as bilong kamapim Royal Komisen olsem Hon Arnold Marsipal i laikim, na tu mipela i nogat inap mani bilong kamapim! Tasol olpela Fainens Minista husat i no ronim gut kantri, na nau kamap Praim Minista i laikim dispela. Wanem samting mipela i laikim em long Chan long tokim mipela trupela stori. Na bihain lukluk long we bilong glasim dispela hevi wanwan. Edresim hevi, Eksen, Fiksism, noken SAIT STEP LONG L HEVI olsem em i mekim nau.

Inap long mi toktok long Praim Minista olsem bipo em i traim long pasim Provinsal Gavman Rifom olsem wampela eksampel, em mas lukluk pastaim na stretim ol Ikonmik hevi kantri i bungim nau. Bikos Deputi bilong em tu i tokaut pinis olsem mipela i nogat inap ekstra mani i stap long karimaut ol dispela rifom o senis long wok bilong provinsal gavman.

Namba tu samting, Beng i tok em i wok bilong Praim Minista long tokim oipel bilong kantri hevi i kamap bikpela olsem wanem.

Bikpela pasin em i stap na ating bai stap yet em, gavman i no inap long lukrutim ol pipel bilong em, kantri na wol envaironmen long sanap strong long wampela gutpela fores polisi.

Wanem samting i kamap em Wol Beng na IMF i putim moa salens long gavman bilong mipela.

Ol i laikim ol memba bilong Gavman long ritim maus bilong ol, na mekim sampela senis, na maski long toktok pait nabaut. Dispela em i gutpela long kantri bilong mipela PNG. Kantri bilong mipela i mas kisim sapot bilong mani lain, na ol lain i gat parwa, o mipela i laik kamap olsem ol rabis kantri long Afrika, we wel na kaikai i sot nau. Sapos yu laik bilipim dispela o nogat, sapos risev bilong mipela i go daun, na ol ovasis kampani i no bilip long kam wok hia, wel bai sot long kantri. Na ol manmeri long Mosbi bai pait long kaikai.

Sapos sampela mirakel i kamap na Mista Haiveta i kam bek long Taiwan wantaim sampela fani mani long sevim masta bilong em Sir Julius, mi bai namba wan man long smail liklik. Bikos nogut ikonmik bilong mipela i pundaun olgeta. Na ol grasrut pipel bilong mipela bai kisim taim. Tasol dispela i NO inap mekim eksen bilong Praim Minista i RAIT!!!

Chan mas save long ol strongpela disisen em i laik abrusim, tasol em i no inap long abrusim. Na mi wantaim ol arapela pipel bilong dispela kantri bai putim hevi i go long em. Dispela em sapos mipela i bungim hevi bilong wel na kaikai i sot long kantri.

Praim Minista bai bekim olsem mi mekim ol rabis toktok. Na mekim tasol ol pipel i pret. Tasol em i asua bilong Praim Minista long bihainim askim bilong Wol Beng. Na tu em i asua bilong Praim Minista long tokim mipela ol trupela stori, na tokaut olsem em wampela i no inap stretim ol dispela hevi. Na dispela em i bikpela asua bilong dispela hevi, em long i no stretim. Dispela kantri i laikim wampela gavman bilong Nesenel Yuniti, long wok wantaim na sevim ikonmik bilong mi, bipo eme i leit.

Dispela bai i no inap long kam aut, bilong wanem? Bikos Praim Minista bilong mipela i planim yet het bilong em i go daun long graun, na wetim wampela gutpela ansa long stretim ol dispela hevi, we i kaap bikos long rabis menesmen bilong bipo yet i kam inap nau.

AUTHORISED BY:

HON. BILL SKATE, MP  
EKTING LIDA BILONG OPOSISEN &  
LIDA BILONG PIPELS NESENEL KONGRES




A. Ragbi lig gem pilai namel long tupela anda 19 tim Difens na Tarangau. Defens i winim dispela gem 10-7.

B. Magani pialai i daunim pilaia bilong Royals long Mosbi raji gem long Sande. Magani i memeim Royals 44-34.


C. Long Ragbi yunion, pilai i wok go strong yet taim Telikom i pilai wantiam Yuni anda 21 divisen long Sarere.

D. Rosemary Omundsen i ron long resis we Pos Kuria i kamapim. Omundsen i bin i go pas long ol meri long divisen bilong ol.

E. Tokakarara kriket tim i wokim stail bilong ol long kisim poto bipo long pilai . Ol i lus karanki stret long Boroko - 66 rans ol aut fo 117.



Ol poto: IVAN BAYAGAU





• CAKES

Weddings & Birthdays  
Our speciality25 1266 Pom  
42 5349 Lae

PROVINSAL

## SOKANIUS



• CAKES

Weddings & Birthdays  
Our speciality25 1266 Pom  
42 5349 Lae

## Ela Yunaited pretim stret ol boi Yuni

LAS WIKEN MOSBI  
RIPOT

YAKAM KELO i raitim

WIN bilong ol boi Yunivesiti long Msobi primia soka kik las wiken i no wanpela isi win. Bikos em i bungim bikipela salens tru long traim autim tiket bilong ol boi Ela Yunaited, na i laki long win 1-0 klostu long ful taim.

Yunivesiti husat i gat gutpela na strongpela stail bilong ranim bal i no bin kamapim tru gem bilong en long winim Ela Yunaited. Bikos ol boi Ela Yunaited i bin redi gut tru long pilaim dispela gem egens Yunivesiti.

Yunivesiti i bin kamapim bikipela pait tru long brukim banis bilong biknem Papua Niugini pilaiia, Paulus Sawo na tupela yangpela bilong em, Emmanuel Liosi na Michael Sigamata long beklain.

Tripela ya i bin taitim tru banis long stapim ol strongpela ron bilong PNG straiika, Steven Mune na Komok Jem. Komok na Steven i bin putim bikipela salens

tru long brukim banis bilong Ela Yunaited tasol banis i strong olgeta.

Long midfil eria, Desmond Waku na Roy Karang i holim bal na ranim bal long graun i go long tupela sait bilong fil. Tasol Batman Fugiri i bin abrusim planti bal ya bikos long strongpela banis bilong Ela Yunaited.

Ela Yunaitet i yusim tu ekspiriens bilong Moni Kalong long kisim bal i go klostu long golmak bilong Yuni long painim John Bips tasol Yunivesiti tu i gat stronpea beklain we Eka na Joe Aisa i stap. Olsem na Ela Yunaited i lusim planti gutpela bal we inap kamapim gol.

Stail bilong Yuni we olgeta sapota i ting bai i kamapim win egens Ela Yunaited i no bin kamapim tru bikos Ela Yunaitet i redi gut tru long dispela gem.

Yunivesiti i winim dispela gem long 1 skoa tasol long fultaim. Dispela gol i bin kamapim taim Steven Mune i bin painim spes long bal bilong Roy Karang. Dispela bal i go stret long kosa bilong golmak na abrusim Bernard Kawa long golkipa na i go pas long umben bilong Ela Yunaited.



Lema kisim Kiunga Kata go antap long lata • Ol kas nogut bilong Kata soka tim bilong Kiunga soka resis long Westen provins. Ol i bin sindaun las tru long poin lata long stat bilong sisen. Tasol wantaim helpim bilong intanesenel Mosbi Guria pilaiia, Adam Lema, ol i goap nau long namba tri ples.

Adam save pilai long Mosbi soka resis. Tasol em i go wok long Kiunga, na joinim ol kas ya. Klostu bai em i kam bek na joinim ol siti bilong bilong em. Long tim poto antap, Adam i sanap long baksait, namba tri long raithan i go.

## Lae laik stapim Vanimo long holim Momase kik

WOK rere bilong namba 5 Momase rijonal tonamen, em bai kamap long Vanimo, Sandaun provins i go het gut. Tasol sampela lain i laik bagarapim ol dispela pilai bilong Kwins Betde wiken.

Olgeta wok bilong redim pilai graun, ples bilong slip wantaim ol arapela wok i go het gut. Nau yet ol bikman i go pas long ogeaisim pilai i no amamaslong sampela lain insait long tonamen i traim long kisim sapot bilong ol narapela Momase provins long kamapim senis. Dispela em long noken holim dispela ol gem insait long Vanimo.

Nau yet Sandaun tonamen eksekutiv i tokaut olsem 19 tim olgeta i tokaut pinis long stap insait long dispela resis. Na bihainim olgeta wok em ol eksekutiv i bin putim kamap pinis, ol krangi toktok i kamapim gen beikros.

Tasol dispela i no inap senisim tingting bilong ol eksekutiv. Ol i pusim long lukim olsem dispela namba 5 Momase Rijonal soka tonamen i mas kamap yet long Vanimo. Dispela ol i tok i bihainim Rijinol Eksekutiv disisen ol i bin kamapim long Wewak, Is Sepik provins. Dispela tokorait i bin kamap long taim Wewak i lukautm namba 4 tonamen long las ya.

Siaman bilong komiti i go pas long redim gem long Vanimo em Gerald Gubon na kodineta Adam Amod. Tupela i tokaut long belhevi bilong tupela olsem Lae i wok long traim toktok wantaim Madang na Is Sepik long kisim sapot bilong ol long kamapim senis na sapotim Lae long kisim pilai ya i go long Lae.

Tonamen eksekutiv i no wari

Tasol tupela i strong yet olsem tonamen ya bai kamap insait long

FELIX RAMRAM i raitim

Vanimo.

Tupela tok tupela i no wari sapos ol tim long Lae bai lusim tonamen. Tupela i tok tupela bai go het wantaim disisen bilong ol rijonal eksekutiv long Wewak las ya.

"Vanimo i lukim dispela ol mauswara olsem wanpela rot bilong givim baksait long Sandaun pipel, ol bisnis lain na gavman bilong provins. Husat long ol i hap tu bilong givim sapot long putim kamap ol gems ya long Vanimo. Na mipela i save tu olsem PNGFA Neseneklubs Sempionsip bai ol i holim long Lae long Kwins Betde Wiken. Tasol mipela i no ken yusim dispela olsem eskus long givim baksait long sans bilong Sandaun long bringim ol dispela gems i kam long Vanimo.

"Vanimo Eksekutiv bilong namba 5 MRST gems i laik yusim dispela rot long tokaut long olgeta tim na klab insait long rijon. Olsem Vanimo bai go het yet long holim dispela tonamen bilong pilai soka. Tupela taim pinis Sandaun i brukim poket long painim mani na go long Lae na wanpela taim i go long Madang na wanpela long Wewak. Olsem na mipela lain bilong soka long Sandaun i apil long Is Sepik na Madang long sapotim Sandaun na lukim olsem dispela namba 5 tonamen i mas kamap long Vanimo", tupela bikman ya i tokim Wantok.


Kodineta Adam Amod i tok eskus bilong Lae em bikos Lae tu bai i stap insait long Neseneklubs Sempionsip em ol bai ol holim long Lae. Na Lae i bilip olsem stap bilong ol long Vanimo insait long Momase Rijinol tonamen bagarapim sans bilong seleksen bilong Lae. Na

Sandaun i lukim olsem dispela em eskus bilong noken holim ol gem bilong MRST insait long 1990, we i min olsem Vanimo bai mas go pas na holim wanpela tonamen pinis. Tasol bikos long ol kain 'pau' pasin na tingting' i kamap na Sandaun i lusim sans long holim ol gems ya insait long provins. Tasol dispela taim Sandaun i no inap sindaun bek na lukim wanpela ol tupela klab i traim long mekim samting long rausim ol disisen bilong rijonal eksekutiv bilong MRST, Kodineta i tok.

"Na toktok namel long Vanimo na Madang eksekutiv long i sampela de go pinis i soim olsem Madang tu i kirap nogut. Bikos Lae i askim Madang long sapotim Lae long holim ol gems ya long Lae. Tasol Maprik long Is Sepik i save olsem ol gems ya bai kamap long dispela namba 5 MRST long Vanimo long 9 i go i nap 12 Jun.

"Ol lain bilong Neseneklubs Institut long Goroka tu i save olsem ol pilai ya bai i kamap long Vanimo. Na ol tu i paul long kisim toktok olsem Lae bai i hostim ken ol dispela gems. Na Sandaun i wari tru. Bikos Sandaun provinsal gavman i traim long givim sampela K8,000 o K9,000 long sapotim mipela long holim dispela tonamen long Vanimo. Na ol wok mipela i wokim pinis husat bai bekim ol dispela hatwok bilong mipela," tupela i tok.


Siaman bilong Sandaun eksekutiv i askim wanpela na olgeta lain husat bai i gat wok long dispela namba 5 MRST em bai Sandaun i go het yet long holim long stap long gutpela tingting na larim ol dispela gem ol i pilaim long Vanimo bihainim 1994 Wewak disisen bilong Momase Rijinol Eksekutiv



Klia long em • Yu wanpela man ting ol man tasol save autim kain stail olsem, ating yu mas aipas na stap long taim bilong taim tumbuna. Tude soka em kaikai bilong ol meri tu ya, olsem kas meri ya i soim. Em putim gut tupela ai long bal, na laik tasim long bros.


Lukaut long kain ol stail olsem long Mosbi ska resis dispela wiken. Sapos yu nogat samting bilong mekim, kamap long Bisini soka graun na amamasim wiken bilong yu.

**new technology  
 new services  
 new attitudes  
 NEW**




**TELIKOM**


*Now we're really talking!*




PTC i gat nupela nem nau - Telikom.  
 Nupela logo na nupela pasin ..... Na  
 strong long givim nambawan sevis.  
 Bai yu win wantaim Nupela Telikom  
 bikos nau mipela i toktok gut.



PILGRIM



• A gret pilaia bilong Hallelluai volibal tim bilong Nesenel kapitel Distrik i pasim gut tupela han, na paitim bal i go hapsait long umben. Pilai i bin kamap long Sir John Guise stedium long las wik Sarere. Sore tumas, Hallelluai tim i lus.



• Hohola Demonstresen skul junia tim i pilai long Sir Donald Swiming pul long Mosbi las wiken. Planti yangpela manmeri i kamap na amamasim ol yet.

## Wewak bai holim provinsal volibal tonamen long Kwins betde wiken

**GODFRIED YASSAFAR i rairtim**

WEWAK Volibal Asosiesen (WVA) bai oganaisim na holim wanpela bikpela provinsal volibal tonamen long Kwins betde wiken, Jun 10 i go inap long 12.

WVA yet i go pas long oganaisim dispela tonamen. Na ol i kolim dispela tonamen olsem Is Sepik Provinsal Volibal Tonamen.

Bikos long taim i sot olgeta long stretim na redim ol samting, WVA i holim wanpela miting pinis na makim wanpela komiti. Wok bilong dispela komiti em long paitim toktok na wok-about i go i kam long stretim ol samting. Ol opisa bilong dispela komiti em: Anton Sakarai-siaman, Edward Wain-namba tu siaman, Charles Malenki-seketeri na wok bilong lukautim na mani-Jenny Here.

Ol memba bilong komiti em: Andrew Warisan, Terence Moka, Moses Sogoromo, Clement Teteret, Jerry Tongo na Fuzo Paul.

Presiden bilong WVA, Charles Malenki tok olsem ol senta husat i tokaut pinis long salim tim bilong ol man na meri kam long stap insait long tonamen em: Wewak 1 na Wewak 2 (4-pela tim-tupela bilong ol meri na tupela bilong ol man), Maprik-tupela tim (wanpela bilong ol man na wanpela bilong ol meri), Angoram-tupela tim (wanpela man na wanpela meri), Biem Ailan-tupela tim (man na meri) na Rofu Kantri-tupela tim (man na meri).

Malenki tok tonamen komiti wok long lukluk long Turubu, Yarapos na Boiken tu long tokaut long stap insait long tonamen.

Long wanpela miting bilong komiti long dispela wik Tunde nait, komiti warkurai na tokorait olsem wanwan

tim bilong wanwan senta i mas baim K50 long tim registresen.

Malenki tok komiti makim tu ol komiti opisa na memba long lukautim wanwan seksen o wok long redim ol samting na tu bilong ranim tonamen. Ol wok na opisa husat i lukautim ol dispela wok em: Fanresing-Jenny Here na Moses Sogoromo, Graun Komiti-Jerry Tongo na em yet (Malenki), Transpot na Akomondesen-Andrew Warisan na Edward Wain na Pablisiti-Fuzo Paul.

Long sait bilong sponsa, Malenki tok 5-pela kampani insait long provins i tokorait pinis long givim fainensal helpim: Garamut-K500 (mesa sponsa), Is Sepik Yunivesiti Senta-K100, Bisnis Sistem-K100, Go West Trading-K50 na Air Niugini EnsinerungK50. Pepsi na Koka Koka bai saplaim ol promosenel dring. Tripela arapela kampani-Tang Mou, Marani na George Seeto tu bai givim helpim.

Wewak Taun Komisin bai givim helpim tu long wok bilong klinim na stretim ples bilong pilai.

Malenki tok tonamen ya bai kam aninit long bikpela het tok: Wewak Volibal Faundesen long Sepik Spirit.

Em i tok bikpela astingting na WVA i oganaisim dispela tonamen em long kirapim interes bilong volibal long olgeta senta insait long provins. Na tu long luksave long ol gutpela pilaia na redim ol long bikpela Momase Rijonol Volibal Tonamen we bai kamap long Wewak long Septemba long dispela yia.

Long nau yet, siaman bilong tonamen komiti, Anton Sakarai askim olgeta tim bilong wanwan senta long baim afiliesen fi bilong ol. Bikos taim i sot tru na komiti nidim mani long baim na redim ol samting bilong tonamen.

## Stail bilong soka pundaun long PNG

TRESERA bilong Madang Soka Referi Asosisen na olpela kosa bilong Madang sinia skwat i go long Manus i tok olsem stended bilong soka long kantri i no moa olsem bipo. Stended bilong soka nau i pundaun tru.

“Long bringim level bilong soka long kantri i go antap ken, PNGFA i mas painim wanpela sponsa we em i ken givim bikpela prais moni.”

Em i tok dispela bai pulim planti ol liklik senta long kam pilai long PNGFA kap. “Planti ol gutpela pilaia i save stap long kantri sait tasol ol lain long taun tasol i save go pilai. Sapos PNGFA i givim bikpela .prais moni, ol bai amamas long o pilai long PNGFA kap na makim soka i kamap strong long kantri.”

Em i tok moa olsem bipo yet, PNGFA i no bin givim wanpela gutpela prais long pilai. “Olgeta taim, mipela leave go pilai long kisim kap tasol,” Bonny i tok. “Mipela i save tromoi bikpela moni tru long go pilai.”

“Tru ol lain eave win i save kisim gutpela nem

tasol i mas i gat wanpela paris moni i mas go wantaim PNGFA kap.”

“Dispela PNGFA kap i save pinisim tru ol mani bilong ol senta i save go pilai,” Bonny i tok.

Bonny i tok tu olsem dispela yar, i luk olsem Madang i no inap long go long Mosbi long defendim PNGFA kap ol i winim las yia. Dispela em long wanem, pe bilong ol ol balus i antap tumas. Sapos ol i go, bai ol i westim bikpela mani bilong asosiesen nating.

## Mebos na Country bai bung long bikpela salens

OL boi bilong 14 mail, Mebos husat i laki long winim Sharks 4-0 las wiken

Mebos i gat narapela strongpela gem long Koiari ragbi lig resis long Sogeri dispela wiken.

Mebos bai bungim Country Brothers long namba tri gem bilong raun 8 gem. Tupela tim wantaim i gat 10-pela poin long poin lata.

Ol boi Mebos i gat nem long pilai isi gem wantaim gutpela stail. Dispela wiken ol bai kisim fil we i gat bikpela sans long lus. Bikos Brothers i lainim pinis planti asua bilong em. Na dispela wiken, em bai i no inap givim isi sans long Mebos.

Ol Brothers pilaia las wiken i bin lus long Crystal Lakers 12-4. Ol save pilai 'open futbol'. Dispela em stail bilong tromoi bal i go i kam long olgeta 13 pilaia long fil.

Brothers gat ol nem Mosbi lig pilaia

### PORT MORESBY AMATUER BASKETBALL ASSOCIATION HOHOLA COURTS SUNDAY JUNE 4, 1995

Court No. 1			
12.30	Golden Alex	v	Rebels (No.1) W
1.05	Aek	v	Teachers (No.1) W
1.40	Dal	v	PSTC M
2.15	Kadeboro	v	Pari (No. 1) M
2.50	Rebels (No.1)	v	Souths M
3.25	Tarangau	v	Polopa M
4.00	Rebels (No.2)	v	Elcom M
4.35	Aek	v	Hongiri Lodge M
5.10	Medics	v	Black Sambo M

Bye: Pari (No. 2) Men & Women

3.00 Club delegates meeting attendance compulsory

Court No. 2			
12.30	JV Sisters	v	Bankers (No1) W
1.05	PSTC	v	Bankers (No2) W
1.40	Pari No1	v	Kadeboro H/Way W
2.15	Souths No1	v	Elcom W
2.50	Medics	v	Tarangau W
3.25	Zuriel	v	Teachers No 2 W
4.00	Dal	v	Souths No 2 W
4.35	Polopa	v	Rebels No 2 W
5.10	Young Kombas	v	Poleambu W

### NATIONAL CAPITAL BASKETBALL LEAGUE WEEK 6 DRAW ROUND 1

June 4/1995

Men and Women's A reserve

Time	Team	Vs	Team	Reserves
8.00am	Victa Jets	vs	Chiefs	Men's A reserve
8.30am	Victa Jets	vs	Chiefs	Women's A reserve
9.00am	Don Bosco	vs	Bankers	Men's A reserve
9.30am	Don Bosco	vs	Bankers	Women's A reserve
10.00am	Huon Stars	vs	Jokers	Men's A reserve
10.30am	Huon Stars	vs	Jokers	Women's A reserve
11.00am	Exodus	vs	Chariot	Men's A reserve
11.30am	Exodus	vs	Chariot	Women's A reserve

Men and women's A

12.00pm	Victa Jets	vs	Chiefs	Men's A grade
1.00pm	Victa Jets	vs	Chiefs	Women's A grade
2.00pm	Don Bosco	vs	Bankers	Men's A grade
3.00pm	Don Bosco	vs	Bankers	Women's A grade
4.00pm	Huon Stars	vs	Jokers	Men's A grade
5.00pm	Huon Stars	vs	Jokers	Women's A grade
6.00pm	Exodus	vs	Chariot	Men's A grade
7.00pm	Exodus	vs	Chariot	Women's A grade

### MOUNT HAGEN SOCCER ASSOCIATION 1995 ROUND ONE SOCCER COMPETITION DRAWS FOR ALL DIVISIONS

Saturday June 3/1995 Week 6

Times	Team	VS	Team	Div	Ground	Duration
12.00-1.10	Sunam Techvs	vs	Pascols	U/19	1	60 minutes
12.00-1.30	Konwan	vs	Elcom	L.Res	2	80 minutes
1.20-2.30	Konwan	vs	Tarangau	Women	1	60 minutes
1.40-3.10	Sunam	vs	Tarangau	L.Res	2	80 minutes
2.40-3.50	Telikom	vs	Elcom	Women 1 split	2	80 minutes
3.20-4.50	Konwan	vs	Elcom	League	2	80 minutes

Bye: Tarangau (U/19), Elcom (W), Blue Kumul (LR), Blue Kumul (L)

Sunday June 4/1995

12.00-1.10	Blue Kumuls	vs	Elcom	U/19	1	60 minutes
12.00-1.10	Blue Kumuls	vs	Keltiga Sunam	Women	2	60 minutes
1.20-2.50	Telikom	vs	Pascols	L.Res	2	80 minutes
1.20-2.50	Tarangau	vs	Sunam	League	2	80 minutes
3.00-4.10	Telikom	vs	Pascols	Women	1	60 minutes
3.00-4.30	Telikom	vs	Pascols	League	2	80 minutes

Ol boi Mebos i gat nem long pilai isi gem wantaim gutpela stail. Dispela wiken ol bai kisim fil we i gat bikpela sans long lus. Bikos Brothers i lainim pinis planti asua bilong em. Na dispela wiken, em bai i no inap givim isi sans long Mebos.

Ol Brothers pilaia las wiken i bin lus long Crystal Lakers 12-4. Ol save pilai 'open futbol'. Dispela em stail bilong tromoi bal i go i kam long olgeta 13 pilaia long fil.

Brothers gat ol nem Mosbi lig pilaia olsem Scotty bilong Difens, Patrick Bdesi na Amos Maino bilong Royals. Olsem na ol boi 14 mail mas sambai gut.


Long ol boi 14 mail, kainkain samting i ken kamap sapos ol i putim was long asua bilong Brothers.

Mebos i gat ol nem pilaia bilong Sogeri op sisen lig resis. Wanpela gutpela pilaia bilong ol em Sami Ango.

Sapos Sami i bungim gut stail wantaim gutpela winga, Buxsie na Albert Umba, ol i ken winim dispela gem.

Ol arapela pilaia husat bai: go pas long Mebos em fulbek Ade Samson, tupela senta James Naime na Biria Mon, Simi Ango na hap bek Jeffrey Allan. Long fowat em ol pilaia olsem Kisea Wafia, Mado Wafia, Iori Abari, Robert Umba, Ivan Taiman na Joe Yogel bai paia.

# WANTOK SPOTS



SEKETERI bilong Papua Niugini Futbal Asosiesen (PNGFA), Don Sigamata i askim olgeta soka tim husat bai kik long Nesenel Klap sempionsip long Lae long Kwins Betde long baim nominesen fi bilong ol.

Selebresen bilong Kwins Betde bai stat long neks wiken.

Long dispela taim yet, 4-pela klap tasol i baim pinis nominesen fi bilong ol i go long tokaut olsem ol i redi long dispela klap sempionsip.

Ol dispela klap em, Mimlon Madang, Westpac Lae, Waliya Lae na Gaifawar tim bilong Makam long Morobe provins.

Don i tok ol tim husat bai kam long wanwan provins long pilai long nesenel klap sempionsip long Lae i mas toksave long em o tonamen dairekta, John Peka

## Askim kam nau long baim hariap klap sempionsip

### YAKAM KELO i raitim

long Lae.

John Peka i bin putim kamap ol toksave pinis long ol tim i mas givim nem bilong ol i go long em nau bai em i ken stat lukluk long redim dro bilong pilai.

### Enga Lutheran redi pinis

Insait long lukluk raun bilong Wantok long ol wanwan senta, Enga i tokaut pinis olsem Lutheran Yut tim bilong ol man na meri bai kamap long dispela pilai long

Lae.

Long Hagen, ol meri Konwan i redi long dispela kik tasol tim bilong ol man i no tokaut yet.

Long Madang em Mimlon soka klap tasol opisal bilong Madang Soka Asosiesen i no tokaut long husat tim bilong ol meri bai kamap long kik ya.

I no gat ripot i kam long yet long Goroka. Bikos asosiesen i no redim ol samting bilong pilai yet na tu olgeta klap i no redi yet long statim sisen bilong ol.

Long Lae Futbal Asosiesen

(LFA) em Westpac tim bilong ol man na Waliya tim bilong ol meri. Na long Lahi em Gaziga tim bilong ol meri na Morobe Yunaited tim bilong ol man.

I gat ripot i kam tu long Kimbe olsem bai Wes Kos bai kamap long dispela klap sempionsip. Tasol ol i no redim mani bilong salim i go long PNGFA yet.

Planti bilong ol dispela senta i bin toktok olsem ol bai kamap long pilai tasol ol i no givim yet nominesen fi bilong ol na tu ol i no salim wanpela toksave i go

long PNGFA opis long kamap bilong ol.

Long Mosbi em Guria soka klap bai i go yet long banisim dispela taitel bilong em.

Guria i bin winim dispela nesenel klap sempionsip taitel long Lae egens Buresong long 1986.

Inap nau, Guria i wok long holim dispela taitel long olgeta klap sempionsip i kam nau. Dispela yia bai em i go pait gen long holim dispela taitel long namba 9 taim.

Ol meri Guria tu bai go long dispela pilai na ol i wok long redim ol liklik samting bilong stretim rot bilong ol i go long Lae.

Maina primia bilong Mosbi em Yunivesiti. Na em tu bai go pilai long dispela klap sempionsip long Lae.



● Nem stail pilaia bilong Mosbi Vipers, Elyas Paiyo i laik sevim wan pilaia bilong em ol Hagen Eagles pilaia i laik kilim indai long strongpela takel, Vipers i winim gem. Tasol ol i lusim pinis long gutpela apil bilong Eagles.

### PORT MORESBY RUGBY FOOTBALL LEAGUE

Saturday June 3, 1995.

Round: 2/2

Ground	Time	Grade	Team	Vs	Team
LRO	9.30am	U17	Defence	vs	Paga
LRO	10.30am	U19	Defence	vs	Paga
LRO	11.30am	U21	Defence	vs	Paga
LRO	12.30pm	A	Post Puma	vs	Magani
LRO	2.00pm	A	Tarangau	vs	Brothers
LRO	3.30pm	A	Defence	vs	Paga

Sunday June 4, 1995.

LRO	9.30am	U17	Kone	vs	Royals
LRO	10.30am	U19	Kone	vs	Royals
LRO	11.30am	U21	Kone	vs	Royals
LRO	12.30PM	A	West	vs	Souths
LRO	2.00pm	A	Kone	vs	Royals
LRO	3.30pm	A	Vipers	vs	Guria

Saturday June 3, 1995

PRL III	9.30am	U17	Tarangau	vs	Brothers
PRL II	9.30am	U17	Post Puma	vs	Magani
PRL III	10.30am	U17	West	vs	Souths
PRL II	10.30am	U19	Tarangau	vs	Brothers
PRL III	11.30am	U19	Post Puma	vs	Magani
PRL II	11.30am	U19	West	vs	Souths
PRL III	12.30pm	Res	Tarangau	vs	Brothers
PRL II	12.30am	Res	Defence	vs	Paga

Sunday June 4, 1995.

PRL III	9.30am	U21	Tarangau	vs	Brothers
PRL II	9.30am	U21	Post Puma	vs	Magani
PRL III	10.30am	U21	West	vs	Souths
PRL II	10.30am	Res	West	vs	Souths
PRL III	11.45am	Res	Post Puma	vs	Magani
PRL II	11.45am	Res	Kone	vs	Royals

## Eagles winim komplek long Krewanty

Mosbi Vipers lusim tupela poin i go long Eagles ...

KOT salens bilong ol Mt Hagen Eagles egensim Mosbi Vipers long putim winga Arnold Krewanty long pilai taim em i stap aninit long saspensim em ol Eagles i winim dispela kot na ol i kisim 2 poin wantaim skoa lain 20-0.

Dispela komplek i bin kamap bihain long ol Mt Hagen Eagles i bin pilai wantaim Mosbi Vipers long raun namba wan pilai bilong inta siti resis we ol Vipers i win long 16-13.

### RODNEY KAMUS i raitim

Tasol ol Eagles i painim maut long Mosbi lig judiseri olsem Mosbi Vipers winga Arnold Krewanty i stap aninit long sapsen inap tupela pilai olgeta long wanem em bin statim pait long pilai graun.

Krewanty husat i save pilai long lokal klab bilong Mosbi Lig Mosbi Defence i bin stap insait long wanpela pait taim tim bilong em i pilai wantaim Royals tupela wik

bipo long Inta Siti resis i kamap.

Em bin stap aninit long sapsen yet tasol ol Mosbi Vipers i bin putim em long pilai.

Ol lain Mt Hagen Eagles i bringim dispela i go long Papua Niugini Ragbi Futbal Lig (PNGRFL) judiseri komiti na long namba wan taim ol i bin tromoi aut dispela komplek. Tasol bihain ol i sekim gut gen na long asde ol i tokaut olsem Mt Hagen Eagles i winim dispela kot na

kisim tupela poin wantaim 20-0 skoa lain.


Wantok Niuspepa long Trinde moning i bin kisim wanpela ripot long jeneral menesa bilong PNGRFL Martin Adamson i tok olsem Inta Siti Kap menesmen komiti i bin sindaun wantaim na pasim toktok long ol Vipers i bin putim Arnold Krewanty i go insait long dispela pilai.

Disisen bilong Komiti i kamap olsem dispela komplek i stretpela na dispela

pilai em ol i givim i go long han bilong ol Mt Hagen Eagles long 20-0.

Bihainim dispela disisen bilong menesmen komiti bilong Inta Siti resis, poin lata bilong SP Inta Siti resis i senis olgeta we ol Mt Hagen Eagles i go pas long poin lata wantaim 6 poin, Lahanis, Vipers na Muruks long 4 poin, Madang na Kundiawa long 3 poin na Lae Bombers wantaim Rabaul Guria i nogat skoa yet.





# RAGBI LIG

NIUS

I NO BILONG SALIM



## Bai sevim Vipers olgeta taim

RODNEY KAMUS i raitim

NUPELA senta bilong Mosbi Vipers, yangpela Markus Bai i kamap olsem man bilong sevim dispela biknem siti tim Mosbi Vipers long ol pilai bilong ol long SP Inta siti resis.

Wantaim dispela gutpela strongpela ron bilong em Bia i save long wanem taim em i rait taim bilong em long statim ensin bilong em long helpim ol Vipers long taim ol i luk olsem ol bai lus nau.

Long tupela wik i go pinis, Bai i bin putim wanpela trai we em i ron longpela hap liklik long helpim ol Vipers long winim ol Lae Bombers long Lae.

Tasol long las wiken gen, Bai i mekim wankain pasin gen taim ol i pilaim ol Goroka Lahanis long Mosbi. Trai bilong Bai long namba tu hap wantaim fil gol i kam long huka Elias Paiyo i lukim ol i gat strong moa long autim ol Goroka Lahanis husat i bin lid long skoa long namba wan hap bilong pilai.

Dispela trai na fil go i mekim na ol Vipers i winim ol Lahanis long 25-16 na i stap olsem lida bilong dispela resis bihain long ol i no lusim wanpela pilai bilong ol yet.

Bai bilong Ulamona long West Nu Briten Provins em ol lain Paga Panthers i bin painim em long Bialla Ragbi Lig long las yia. Long hap sisen tasol bilong em long Mosbi Lig, em i opim ai bilong ol selekta long kain strongpela ron bilong em


na takel na i kisim ples bilong em yet long Vipers lain-ap.

Long dispela pilai, i luk olsem Goroka Lahanis bai winim dispela pilai tasol sampela ol poin bilong ol em ol i no kisim bihain long fulbek David Buko i no nap long kikim ol gol gut.

Ol fowat bilong tupela sait wantaim i bin holim bal na ron i go kam we i lukim Kera Ngaffin bilong Vipers na Mathew Midi bilong Goroka Lahanis i kamap wantaim tupela trai.

Nupela lok fowat bilong Vipers Peter Sterlo husat i save pilai long wankain klab olsem Bai i mekim planti gutpela strongpela ron na takel tu long ol Lahanis we em i lukim em yet i kisim prais olsem man of the match.

Vipers nau yet i go pas long poin lata wantaim 6 poin na Lahanis i pundaun i go daun long 4 poin.



## Goroka Lahanis bai stretim Muruks

SAPE METTA i raitim

GOROKA Lahanis husat i lus long ol Mosbi Vipers long las wiken i redi gut tru nau long daunim ol Mendi Muruks long pilai bilong ol long dispela wiken long apim ol yet bihain long dispela lus bilong ol egensim Mosbi.

Long pilai bilong ol long las wiken ol Lahanis i mekim gut tru long namba wan hap bilong pilai egensim Vipers we ol i lid long 1-8 tasol long namba tu hap ol i no bihainim gut gem plen bilong ol na strongim difens. Dispela tasol i mekim na ol i lus long ol Mosbi Vipers.

Narapela samting tu ol i mas stretim long pilai bilong ol long dispela wiken em ol kik bilong ol long kisim poin. Dispela em i wanpela samting we i mekim na ol i lus tu long las wiken.

Fulbek David Buko husat i kisim dispela wok bilong kikim ol gol i no nap long mekim gut na kisim ol poin inap long 8 olgeta na dispela em i wanpela bikpela samting tru.

Ol i lus tasol ol i no aut yet na ol mangi Nokondi i wok hat tru nau long lukim olsem

ol Muruks i mas lus long dispela wiken taim ol i pilai long Danny Leahy pilai graun long Sande.

Ol Muruks husat i gat ol olupela na ol nupela pilaia i bung wantaim i save pilai strong tru long ol pilai bilong ol na dispela bai i mekim ol Lahanis i pilai strong moa long winim ol. Ol Muruks bai i laik winim dispela pilai tasol ol Lahanis wantaim asples sapot bilong ol bai gat gutpela sans long winim dispela pilai.

Long dispela pilai bai olgeta

pilai bilong ol olsem David Buko, Stanley Gene, David Gomia, Tiuyo Evei, Mathew Midi, Atu Isoi na kepten John Markam ba wok hat tru long stopim ol Muruks long win na kisim bek nem bilong ol bihain long ol i lus long Vipers.

Lahanis i gat gutpela rekot long winim planti pilai bilong ol long as graun bilong ol na sapos ol i winim dispela pilai egensim Mendi Muruks, em bai narapela samting gen.



Kepten bilong Lahanis John Markham wantaim bal i redi long brukim banis bilong ol Vipers long las wiken. Vipers i win 25-16.

## Fairdeal United go pas yet long Lae ragbi lig kompetison

BAL wok wantaim strongpela pilai bilong wanwan pilaias bilong Lae Fairdeal United tasol winim gem bilong ol las Sande.

Sapotas na opisol bilong United karim ol pilaias long soim hamamas bilong ol long tim bilong ol nekim Defence 26-23 na holim yet namba wan posison long Lae ragbi lig 1995 sison.

Bihain long dispela gem ol sapotas bilong Defence mas

igo insait long opis bilong referi na paitim referi, Patrick Reu, bilong wan nem ating ol les pinis long tim bilong ol lus planti tumas.

Tasol, sampela ofisol bilong Defence tok ol ino hamamas long sampela rul referi i yusim long tim bilong ol olsem na speteitos kros na paitim referi Reu.

Reu kisim bikpela bagarap tru, wanpela ofisol bilong defence solapim fes bilong em

by ZEPH AIGAL

na narapela sapota brukim het bilong em long ston. We dokta long Angau hausik samapim seven hap bilong dispela kat long fes.

Lae ragbi lig Judisari Komiti sindaun long sdyr spinun (Wednesday) long kamap wantaim mekim save penalti long givim long Defence klap.

Go bek long dispela gem, em wanpela gupela pilai tupela tim ya (United na Defence), givim long hamamas bilong olgeta man meri na pikinini long lukim.

Taim ol United tingting long sko planti poin, Defence larim ol fowad bilong em Nium ol daun bai ol slek long hap taim. Sko long hap taim em 14-12. Long feiva bilong United tasol Defence yusim seken hap long pasim maus bilong sapotas bilong United taim Defence ron

igo antap long 22-14 insait long 20 minit bilong dispela hap.

Tasol United ino dai yet na kirapim engin bilong ol fowad long wilwilim Defence banis na skorim tripela trai moa long winim gem bilong ol.

Risol bilong arapela gems las wiken i sanap olsem Lae Bisket Spiders 24 winim Royals 20. Brothers nekim Morobe Tigers 36-26 na Panthers holim pas Tarangau 21-21 long narapela gutpela pilai ragbi lig.












•Wanpela pilai bilong Magani long Mosbi lig resis i laik traim ranawe long takel bilong Royals pilaia. Magani i win 44-34.

Junia Ragbi Lig eksen long Mosbi. Pilaia ya bilong las wiken i stap namel long Tarangau na Defence long anda 19 divisen.



•Tim poto bilong Defence anda 19 tim bipo long ol i pilai wantaim Tarangau long las wiken long Mosbi lig resis. Poto: John Patrick.

•Wanpela anda 19 Defence pilaia i ranawe wantaim bal i go bipo long ol Tarangau pilai i holim em.



•Junia ragbi lig eksen long Mosbi lig long las wiken. Pilai i stap namel long Tarangau na Defence.

•Post Puma anda 19 tim husat i save pilai resis long Mosbi lig. Dispela junia sait ya i gat planti ol gutpela yangpela pilaia husat i stap aninit long anda 19 skwat bilong salensim Australia.







# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.